



Diahuebs April 24 2014 - Edicion-8 Vol.19382
Sta. Cruz #110 Tel: 585-9500 Fax:585-0951 - E-mail: solodipueblo@gmail.com

1.50

URATACA
CENTER

Special di awe:
Spagetti, Meatballs, Garlic
Bread & Vegetal

Afl. 10.00
(di 12 pa 3pm)
Tel: 585-5212

Serlimar ta
informa:
Horario
adapta di
Parkietenbos
stortplaats
riba Aña di
Rey



MAS DECISION ROBEZ DI MIKE EMAN Y SU GABINETE

Sunchi di Mike pa nos grandinan ta mescos cu
sunchi Hudas !!

**Machetazo a cay riba nos
grandinan cu serie di medida!!**

Gobierno a corta placa y bieuwnan mester paga
'eigenbijdrage' pa airco y pa laba paña!

**PARLAMENTARIONAN DI
AVP TA UN BERGUENZA
GRANDI PA NOS PAIS**

Lider di UPP: Sr. Booshi Wever
MINISTER SCHWENGLE TA UN
IGNORANTE Y UN COBARDE
DOOR DI BISA CU E NO
MESTER BAY PARLAMENTO

**Ford
Escape
ta subi
cruzada
pa bay
Hospitaal
sin duna
preferencia**



**Aruba Softball Bond hunto cu Royal Power y
HEINEKEN ta presenta**

Champs of the Champs 2014 "The 8th Edition" 30 Juni - 6 Juli 2014
10 equipo internacional CONFIRMA!!!!!! Delegacionnan di mas di 500 persona
*Competencia halto nivel den combinacion cu un ambiente unico!! Keda
Pendiente.*

EXTENDED OPEN HOURS!

Tur Diasabra 9-11am
Koffie Morgen Gratis!

Monday to Thursday: 8am-10pm / Friday & Sat. 8am-11pm / Sunday: 9am-6pm

Supermarket

Shopping Night *fever*
7pm-11pm *Friday & Saturday*

MEGA Discount

10% off

on selected items:

*HAM & CHEESE
*FRUITS &
VEGETABLES
*PORK CHOP
*LOIN RIBS
*CHICKEN WINGS
*WHOLE CHICKEN
*CHICKEN BREAST
*CHICKEN WH.LEGS
(No discount on case-volume)



Simply Low Prices Everyday!

True Value.
START RIGHT. START HERE.®

EXTRA DISCOUNT!

For VIP
Discount
Card
Members
ONLY!



10% + 5% = **15%**



Sunchi di Mike pa nos grandinan ta mescos cu sunchi Hudas !!

Machetazo a cay riba nos grandinan cu serie di medida!!

Gobierno a corta placa y bieunnan mester paga 'eigenbijdrage' pa airco y pa laba panja!

Redaccion di Solo di Pueblo a bin haya un document di cas di nos grandinan unda ta mostra cu e Gobierno di Mike Eman apesar di ta sushi ta traicionero di marca mayor. Cada rato cu tin cualkier fecha conmemorativo, Mike Eman ta bishita e cas di grandinan pa asina por sunchi tur. Hamas nos por a pensa cu e sunchinan ey ta falso.

Awor nos a haya e documento aki unda Gobierno a corta den subsidio y asina a obstanculisa henter e operacion di e cas di nos grandinan. Desde awor a cuminsa paga tur airco! Si kier drumi den airco, mester paga pa airco! A corta den subsidio pa cuminda, unda cu desde awor lo no ta pone e x cantidad di cuminda cu antes tabata pone.

Tur empleado desde awor lo bay haya 1 set di uniform menos, cual ta nifica un besparing di 15.000 florin. E airco pe area pe empleadonan ya no mag wordo cendi. Tur grandi tin cu pone desde awor un eigenbijdrage di 25 florin cu tin un airco. A pone un stop na kasgeld.

Cada seccion lo haya un x cantidad di paki di juice cu lo wordo entrega pa cada seccion. Personal ya no mag come na trabao y cuminda cu resta no mag wordo hiba cas. Cada seccion lo haya un x cantidad di bleki di lechi. Lo reduce e budget di cushina cu 8 mil florin pa luna, o sea cu cushina tin cu draai cu hopi menos producto pa haci cuminda.

Lo stop di laba tur lakens di cama di tur habitante di e cas. Lo bay laga lakens bira poco mas sushi. Lo

stop e spuitmento dor di un pest control y e empleadonan mes mester pasa spuit! Cada habitante mester paga eigenbijdrage di

30 florin pa laba panja.

Esaki ta e danki cu Mike Eman a duna e bieunnan, un SKOP!

Aki e memorandum cu

a wordo reparti den e cas di grandinan, unda cu Mike Eman a tuma serie di medida ariba nos pober grandinan! Nos ta considera

esaki un maltrato na nos grandinan y nos grandinan no mester carga e culpa di e Mega Debe crea pa Mike Eman.

Bezuinigingsmaatregelen 2014

Onderwerp	Uiterste datum	Verwachtte opbrengst per maand	Verwachtte opbrengst per jaar
Alle naaisters gaan werken in een ruimte te Oranjestad. Verhuizing naaister HMS per 1 april a.s. Verhuizing naaister CdC per 1 mei a.s.	1 april en 1 mei 2014	100	1200
1 set uniformen minder per jaar		1250	15000
Airco personeelsruimte HMS mag niet meer aan.	1 maart 2014	100	1200
Eigen bijdrag van afl. 25 per maand per bewoner (zak- en kleedgeld) die een airco op de slaapkamer heeft.	1 maart 2014	4400	52800
De Liane van VO en de chevy van CdC HMS en CdC krijgen maximaal afl. 125,- benzine per maand te besteden. CdC krijgt maximaal afl. 100 per maand.	1 maart 2014	500	6000
Kasgeld LKM stopzetten.	1 maart 2014	1500	18000
Elke lokatie krijgt een maximum aantal pakken juice (Gloria) dat per afdeling gegeven wordt. Hoeveel pakken?	25 februari 2014	pm	pm
Voedsel etc. mag NIET door personeel gegeten worden en overblijfselen voeding etc. mag NIET meegenomen worden door personeel.	1 maart 2014	pm	pm
Elke afdeling krijgt een maximum aantal blikken melkpoeder per afdeling. Hoeveel blikken?	25 februari 2014	pm	pm
Bijzondere voeding kritisch bekijken door Nienke en Earl.	1 maart 2014	pm	pm
Budget Centrale keuken afl. 80.000 per maand,	1 maart 2014	8000	96000
Advies over schoonmaakproducten. Supermarkt producten vergelijken met de huidige leveranciers.	18 maart	pm	pm
Niet automatisch lakens verschonen elke dag van iedere bewoner.	1 maart 2014	pm	pm
Distributie post centraliseren	1 maart 2014	pm	pm
Airco's woonkamers woningen CdC afsluiten van de elektra.	1 maart	1200	14400
Spuiten tegen ongedierte zelf doen.	1 maart		0
Eigen bijdrage per bewoner waskosten afl. 30,- per maand	1 maart	7500	90000
Totaal verwachte opbrengsten		24550	294600
Streefbedrag bezuiniging		24640	295680
Nog te bezuinigen		-90	-1080

PDVSA a firma cu NUSTAR na St. Eustatius pa almacena su crudo

Segun noticia emiti pa agencia di noticia Reuter, e petrolero Venezolano PDVSA ta den desesperacion pa haya lugar pa almacena su crudo. Despues cu algun aña pasa PDVSA a bende varios di su interesnan den Caribe pa motibo cu nan tabata tin mester di cash, awor nan ta man na cabez cu bodega pa warda nan crudo. Esaki a

haci cu PDVSA a firma un contract cu NUSTAR di St. Eustatius unda nan ta hiba nan crudo pa warda, pero tambe pa blend y pa bende despues. NUSTAR tin un capacidad pa almacena 13 miyon di bari di petroleo den su tankinan. Na aña 2012 PDVSA a sufri varios contratiempo cu varios candela den su refinerianan cu a perhudica su capacidad

pa procesa. Segun Reuter cu e acuerdo cu tin entre NUSTAR y PDVSA tin un prohibicion pa haci'e publico. Ora a puntra NUSTAR nan no a nenga ni tampoco confirma. REUTER a haci investigacion y a confirma cu dia 16 di April, e barco Nord Snow Queen a yega St. Eustatius for di e refineria Cardon na Venezuela.

Segun Reuters, PDVSA ta warda crudo na Aruba y ta paga Valero cu crudo

Den un articulo di e agencia di Reuters, nan a informa cu PDVSA ta wardando crudo na e terminal di Valero na Aruba, cu tin un capacidad di warda 4 miyon bari di petroleo. Ta paga 0.30 cent di dollar pa huur e deposito aki y PDVSA ta pagando Valero cu crudo na puerto Venezolano. Cu otro palabra Valero ta manda su tankero pa busca crudo na Venezuela, como pago di e huur di e tankinan na Aruba. Red: Nos ta masha straña con ta posibel cu Gobierno di Aruba a permiti Valero keda pa haci e negoshi aki, unda nan ta gana placa ariba cabez di Aruba y manteniendo e refineria cera. Na St. Croix nan a actua otro: Nan a duna e refineria ordo p'e bende o habri bek, sino Gobierno lo desapropia e refineria. Almacena crudo no ta nifica nada pa Aruba, e no ta nifica cupo di trabao ni tampoco belasting. Si tabata tin un otro Gobierno, talves Valero lo a haye den problema serio, pasobra e compania aki lo no por kere cu nan lo

haci y deshaci con cu nan kier. Awor nan ta usa instalacionnan aki na Aruba pa nan haya tankernan yen di crudo. E pregunta ta: Nan ta declara e huurnan aki? y cuanto belasting nan ta paga?

TRUEQUE POR ESPACIO

Según términos de arrendamiento renovados este año, PDVSA está pagando unos 0,30 dólares por barril por el uso de 4 millones de barriles de capacidad de almacenamiento en Aruba, otra isla caribeña al norte de Venezuela, en una refinería propiedad de la firma estadounidense Valero Energy. La refinería de Aruba, con capacidad de 235.000 barriles de crudo por día (bpd), fue cerrada en el 2012 pero desde entonces Valero ha ganado dinero alquilando sus depósitos. PDVSA está pagando con petróleo, que es recibido por Valero en

puertos venezolanos, agregaron las fuentes. PDVSA también está utilizando sus propias instalaciones en las islas vecinas de Curazao, Bonaire, Cuba y Dominica y alquila una parte de una terminal de 12,5 millones de barriles de capacidad en Las Bahamas, que vendió en el 2007. "PDVSA está desesperada por tanques", dijo otra fuente. "Ha estado buscando capacidad de almacenamiento en todo el Caribe". Estudios de firmas independientes muestran que Venezuelatendrá pronto que importar algún tipo de diluyente para sus crudos extrapesados al no disponer de crudos livianos o nafta suficiente producida localmente. PDVSA recientemente dejó abierta la posibilidad de comprar crudos livianos o condensados a otros proveedores, lo que a pesar de ser muy controversial en el país con las mayores reservas de crudo del mundo, solucionaría un problema logístico a la estatal petrolera

Homber hiba hospital bao overdosis di droga

Diamars marduga na altura di Solamere Restaurant na Palm Beach tabata tin un homber for di tino. Ambulance a presenta y a transporta e homber pa hospital. Ambulance a informa polis cu posiblemente e homber ta bao influencia di droga y por overdose su mes cu droga. Polis a bay hospital y a constata cu e homber a keda hospital pa obeservacion.

Otro detencion mas den caso di menaza contra Juan David

Informacion cu nos a logra confirma ta bisa cu tin un otro detencion mas den caso di menaza di Juan David. Manera ta conoci, diamars Juan David a entrega un keho di menaza of agitacion contra di su persona, cual ta wordo atendi pa un ley apart. Ministerio Publico a contesta nos redaccion asina aki:

E persona ta deteni riba sospecho di menaza y agitacion contra autoridad via caminda automatiza (opruiing via geautomatiseerde werken tegen het openbaar gezag), cu ta castigable separa di otro pa ley (in de wet apart strafbaar). E investigacion ta andando actualmente.

Diarazon mainta nos a haya e confirmacion cu tin un otro detencion mas den e caso aki, o sea tin dos persona deteni pa menaza of agitacion contra e minister via medio digital of facebook. Ultimo informe ta bisa cu Fiscal a dicidi di laga ambos persona den libertad.

Mas dollar falso den circulacion

—Asistencia di Polis a wordo pidi dialuna 00.57, na Stellaris Casino na Marriot, naunda un persona kier a cambia un biyete di shen dollar falso. Eynan e guardia a bisa cu un turista Venezolano a bay cambia 100 dollar. Ora cu el a bay controla a resulta cu e ta falso. E turista tabata na e sitio. Segun su declaracion, e kier a hinca 100 dollar den un slotmachine, pero e mashin a nenga e placa. El a bay cambia e placa na e cahera pero pa su sorpresa, nan a bise cu e placa ta falso. El a bisa Polisnan cu e no tin otro biyete di shen dollar. Polisnan a confisca e biyete pa investigacion.

FTA - Mei 1, 2014

MARCHA DI TRAHADOR

Di Juliana Scol pa Plaza Betico

WAK PA BO TEY!!

Polis ta detene personanan pa maltrato

—Asistencia di Polis a wordo pidi dialuna 00.15, na e parkinglot di La Cabana, pa un pelea formal entre algun homber. Eynan e dos hombernan M.G.M. di 46 aña y M.B.M. di 26 aña tur dos naci na Aruba tabata envolvi den e pelea. Polis a mira cu M.B.M. tabata di remate y hopi rabia y agresivo y ta sangra na su cara. Nan ta mustra Polisnan un mucha homber bisti cu T-shirt preto cu a maltrata M.G.M. Como cu e tension tabata aumentando entre e partidonan, e polisnan pidi Central pa manda un otro patruya. Ora cu Polisnan a papia cu e homber A.D. di 24 aña, a resulta cu un di e hombernan a dal su amiga cu mokete den su cara. Mientras cu Polisnan ta purba calma e situacion y kita nan for di otro, e homber M.G.M. a coy un cantidad di piedra chikito y a bentanan den direccion di e Polis y di A.D. Polis a detene M.G.M. y A.D. E victimanan a wordo trata pa e personal di ambulance. E homber M.G.M. despues a wordo hiba poli pa tratamento, mientras cu Polisnan a hiba A.D. warda di Shaba pa presenta dilanti Fiscal Auxiliar.

Polisnan ta detene homber burachi cu ta molestia su casa malo

TANKI FLIP—Presencia di Polisa a wordo pidi diamars 18.35, na un cas na Tanki Flip pa un homber burachi fastioso. Eynan Polis a topa cu e V.T. sinta den un Toyota Corolla licht blauw y e ta bisa cu e ta warda riba su casa pa nan core rond. Polisnan a papia cu e bisña, G, y e ta bisa cu T, kier obliga su casa pa core rond cun'e. E bisña ta bisa cu e casa di T, ta sufri di Alzheimer y no por dicidi pa su mes. Tambe e bisa cu tur ora T, ta bin burachi y ta molestia e casa. Hasta e ta maltrate. Polis nan a nota cu T, ta papia cu lenga pisa y a orina den su paña. Polisnan a detene T, pa buracheria y a hibe warda di Shaba, naunda el a keda sera.

CENTRO DI BARIO BRAZIL CU FIESTA "BACK TO THE 60'S & 70'S" PA RECAUDA FONDO

Directiva di Centro di bario Brazil ta participa cu riba 10 di mei venidero nan lo bay tin un grandioso come back party den un estilo unico. Cuater banda famoso y Arubano lo topa otro riba e dia ey. Ta tata di e bandanan Recordar es Vivir, High Way Six, The Trams y Reflexion band. Nan ta dicidi di pone e pista di baile tembla riba dia 10 di Mei venidero. Tur hende por bisti den nan propio estilo reflehando e temporada di decado 60 y 70 y bin goza y pasa un momento agradabel. E come back party ta cuminsa 8'or di anochi y ta sigui te cu 2'or di madrugada. Anto corda bon su siguiente dia ta DIA DI MAMA. Asina ta cabayeronan, esposonan, yunan corda hiba MAMA na e grandioso come back party aki den Centro di Bario Brazil riba 10 di Mei venidero pa e por pasa un rato feliz, yen di alegria. Lo bay tin sorpresa na porta pa e MAMA nan. Percura pa bo tey den Centro di bario Brazil su 10 di Mei y yuda e fundacion recauda fondo pa sigui trahah na logra nan meta na bienestar di nan Bario en particular y Aruba en general

Ford Escape ta subi crusada pa bay Hospitaal sin duna preferencia



Diamars anochi den careda di 7:20 un accidente cu bastante daño material ta tuma luga na e crusada pa bay Hospitaal. E Ford Escape bayendo direccion Hospitaal no ta duna preferencia na e trafico biniendo di Nort. E chauffeur di e Nissan Sentra a lastra un brake basta bon, pero asina mes no por a evita e impacto. Menos mal niun persona a resulta herida. Daño material ta considerable si.



ORCUYO SAND & HEAVY EQUIPMENT

**PA TUR SORTO DI SANTO,
PIEDRA Y GRANIET.
ENTREGA TA GRATIS Y CU
BON SERVICIO.**



Tel: 741-4964

PIDIE AWE, HAYE AYERA !

Evelyn Wever-Croes:


Mas decision robez di Mike Eman y su gabinete

Gabinete Mike Eman I a tuma decisionnan robez cu a crea crisis financiero, y Gabinete Mike Eman II ta tumando decisionnan robez atrobe pa saca nos di e crisis. E crisis financiero cu nos pais Aruba ta aden aworaki, nos a mir'e ta bin di basta tempo. Desde inicio cu Mike Eman a tuma mando, ta un decision robez tras di otro el'a tuma, cu a crea e MEGA DEBE di nos pais. Ni maske cuanto nos a purba di avis'e, e no kier a tende, y a prefera di yama nos pa gañado. Awe e berdad duro ta bati na porta y no ta keda Mike Eman nada otro cu admiti cu nos tabata tin razon, cu decisionnan robez awe a conduci na e MEGA DEBE y e crisis financiero cu nos pais ta aden. Pero no ta pa creacion di un MEGA DEBE solamente, sino Mike Eman a tuma un cantidad di decision robez pa soluciona e crisis y awor ta sigui tuma decisionnan robes. Ta inhusto, pasobra en vez di corta den asuntonan di luho, ta corta den asuntonan di necesidad. Ta inhusto, pasobra mientras cu mama y tata di famia ta perde trabao, e ministernan mes ta crea mas ministerio, y mester busca mas trahador pa traha pa nan. Ta inhumano pa corta den asistencia social pa esnan sin trabao y den cuido di nos grandinan, pero ta persisti cu proyectonan miyonario cu no ta necesario actualmente, manera e tram, y e tantísimo rotonde y careteranan nobo cu mester wordo construi. Un gobierno humanista lo a proteha su ciudadanonan, specialmente esnan ta mas vulnerabel, durante crisisnan fuerte manera esun cu nos pais ta aden actualmente. Un Promer Ministro cu un curazon y stimacion pa




su pueblo ta para wanta e sla, pa proteha esnan mas vulnerabel den nos comunidad, manera nos grandinan, esnan enfermo, y esnan cu a perde trabao. Mescos cu un mama of un tata lo haci durante di mal tempo, ta wanta sla basta e por proteha su yiunan. E regla aki ta conta pa sernan humano y mescos den naturaleza den e reino animal, mayoría ta wanta e sla pa proteha su yiunan. Dicon Mike Eman no ta aplica e regla basico aki di nos naturaleza? Si nos gobierno por aplica e regla basico aki, nos lo sali di e crisis aki mas fuerte, y nos lo ta mas uni pa enfrenta retonan nos dilanti. Pero si Mike Eman sigui cu e wega sushi cu e ta hungando, di sigui privilegia su amigonan cu a hinca miyones den su campaña electoral, y di otro banda ta sacrifica e ciudadano humilde, e crisis lo pasa, pero e lo tin un efecto devastador riba nos pueblo. Ta un duele pa mira locual ta pasando na Aruba. Nos a avisa cu esaki lo pasa, pero e no ta kita e dolor. Esakinan ta momentonan cu nos mester reza y roga Dios pa ilumina mente di

e gobernantenan, pa nan busca solucionnan mas humano, y poniendo e ser humano central, y no pone atencion solamente riba nan mes y riba esnan cu a hinca hopi miyon pa pone nan den gobierno. Esaki no ta "pay back" time pa financiadornan di campaña, esaki ta momento cu como gobernante bo tin cu demostra cu bo ta traha pa e pueblo prome. Lamentablemente nos no ta mira esaki pasa na Aruba, sino nos ta mira cu Gabinete Mike Eman I a tuma decisionnan robez cu a crea crisis financiero, y awor Gabinete Mike Eman II ta tumando decisionnan robez atrobe pa saca nos di e crisis.




Feliz dia di Rey



Relaciona cu dia di Rey, nos ta cera dia **25 di april 2014**.
 Entrante **28 di april 2014**, nos ta na bo servicio atrobe.

Nos disculpa pa posibel inconveniencia cu esaki por trece cu ne.



Balashi 76, Aruba | T. 525 4200 | F. 585 2000
 E. info@webaruba.com | www.webaruba.com

Remetido

Pa comprende kico Aruba a perde Valero a tira Aruba un Cuba!

Ta conoci e maniobranan stranjo y parecido na corrupcion cu Valero a haci pa AVP lage keda cu e negoshi di Transshipment, siendo cu Ley di Aruba y e contrat ricibi di Coastal tabata indica cu asina nan stop nan operacion di refinaderia nan mester entrega e pertenencianan referi den e contract back pa su donjo, cu ta e pais Aruba! MEP cu e \$.200.000.000 di BBO mes por a tene su refinria habri asina.

Danki na AVP esey no a socode. Valero a participa den eleccion na 2009 claramente cu e intencion di tumba e gobierno di MEP pa juda AVP pagando soborno na e candidato di AVP cu a cobra como empleado (sub-contractor) di VALERO.

AVP a gana eleccion y a core cu e ministronan di MEP. E homber cu como contratista por y a cobra placa di Valero a bira Minister pa AVP por a laga Valero cu e Refineria y su tankinan cu awor Valero a keda usa pa huur cu Pdvs a di Venezuela. Ora a hanja e placa cobra caba di BBO a conclui e compra di e compania bancarota sin gas na Hulanda.

Kiko ta e negoshi? Valero no ta paga belasting. AVP te hasta a kita BBO (\$.200.000.000) pa Valero so loke el a priminti e bobonan cu a kere nan. Asina Valero por a huur e tankinan pa \$0,30 pa bari, mientras e ta cobra na Hulanda pa e transshipment como donjo hunto cu un offshore company sin paga belasting na U.S.A. Lugar di paga e 30% na U.S.A. Nan ta paga 3% na Hulanda. Resumiendo nan ta paga \$.1.220.000 na Valero Aruba y \$.39.880.000 na Hulanda y Venezuela o e agentenan Cubano ta keda cu e \$.61.220.000 cu e venta di e crudo almacena y mescla na Aruba ta produci riba mercado na balor di \$.100 pa bari! Aruba como Pais no ta ningun caminda ta cobra. Ban spera cu e ley nobo di bootsgelden cobra algo pa e servicio cu Aruba ta duna den e transshipment permitiendo uso y mal uso (susha) di e awanan territorial.

Gran parti di e datonan a sali publica na Venezuela pa haci kere cu Venezuela ainda ta haciendo gran negoshi cu su crudo petrolero, mientras cu e realidad ta otro! VALERO a sali beneficia y mayoria di ganancia di \$.100 pa bari ta bai pa paga VALERO su negoshi di transshipment. Aruba lo keda cu e sushi y destruccion manjan di su tankinan pa e crudo malo Venezolano cu no lo por bende. E cifranan kizas no ta correcto, pero e mal intencionnan a keda evidencia den e contratonan cu Venezuela a firma cu Valero. Aruba mester sera boca numa.

Tur chinees a subi nan prijs pa asina pueblo si keda paga mas BBO.

Como servicio publico

Un lezado di e corant "el Universal di 21 april 2014.", cu ta aparece ainda na Venezuela.

Juancho Machete a laba man mescos cu Nicolas Maduro! *Juancho a bisa: E no a manda polis detene nan!* *Nicolas a bisa: E no a manda polis detene Leopoldo!*

Reaccion di Juancho Machetaso tabata e chiste di dia. Segun Juancho Machete cu e no a manda polis pa detene e dos cuidadanonan. Tampoco ela bay polis pa entrega keho. Hopi comentario tabatin den comunidad cu ta bisa cu Juancho

a reacciona mescos cu Nicolas Maduro. Nicolas Maduro a bisa cu e no a manda polis detene Leopoldo Lopez! Hopi a mira un similaridad den e caso aki y hopi a bisa cu nan no ta kere den e storia di 'yo no fiu'.... A otro pero con ese hueso!!!

Ladronnan a purba drenta cas na Palm Beach

—Asistencia di Polis a wordo pidi dialuna 03.45, na un cas na Palm Beach pa un na unda ladron a purba drenta. Eynan e muhe G.O, ta bisa cu e ta cuida e cas, como cu e doño ta den exterior. El'a bisa cu dia 20 anochi, el'a bay drumi ya laga e cas bon cera y intacto. Dia 21 di April, mas omenos 03.30, el'a tende algo kibra den sala. El'a sende e lusnan y a bay pafor pa pone e cachonan paden. Ora cu el'a bin bek den sala, el'a mira e port dilanti tabata destrui. Polis a tuma e keho.

Polisnan ta detene chofer burachi y ilegal

SANTA CRUZ—Central a manda Patruya dialuna 06.30, riba e caminda di Kibaima pa Tanki Flip, pa un chauffeur coriendo un auto cora irresponsabel. Na altura di CMB na Santa Cruz, polisnan a mira con e chauffeur a core pasa un auto cu velocidad halto. E auto ta un Mitsubishi Lancer cora A-50896. Polisnan a duna e chofer un señal pa e para na rotonde di Santa Cruz y a constata cu e chauffeur, tabata basta burachi. E tabata papia cu lenga pisa su wowonan tabata cora. E no por a duna permiso di estadia tampoco y a duna un rijbewijs Venezolano. Polisnan a detene e homber WS.F.R.T. naci na Venezuela di 23 aña, y a hib'e warda di Santa Cruz, na unda el a keda presenta dilanti Fiscal Auxiliar, y despues entrega na e Departamento di Guarda Nos Costa.. Despues di control su estadia a resulta cu e no tin permiso di estadia y ta ilegal riba e isla.



- 1st week: Detox your body with HealthWise.
Receive a Foot detox and Foot reflexology
- 2nd week: Very Low Calorie Diet to burn fat.
Cavitation + Detoxifying Body wrap + RBV Power Vibe
- 3rd week: Low Calorie Diet to get into your refeeding phase.
Cavitation + Anti Cellulite Body wrap + RBV Power Vibe
- 4th Week: Low Calorie Diet to get into the maintenance phase.
Cavitation + Slimming Body wrap + RBV Power Vibe

Plan includes:
Protein Products for 30 days!
3 Lipo Cavitation treatments
3 RBV Special Body Wraps

Now unlimited Power Vibe training.

Richelle

Santa Cruz 111-B

Beauty

5851071 * 5851073 * 5942758

Vision

www.beauty-vision.net

info@beauty-vision.net



Via Facebook:

Jordanny Tromp a reacciona riba Speed Andrade

**Speed ta skirbi storia falso mientras e
mes no tabatey presente!**

Via Facebook un di e detenidonan Jordanny Tromp a reacciona riba publicacion di Speed Andrade riba 24ora.com. A insinua cu Jordanny Tromp lo a bira 'muchu' durante su detencion. Esaki ta e contesta y reaccion di Jordanny Tromp:

"Ami un cos so mas mi tin di scibi riba MI WALL awe ta cu ma lesa riba 24ora.com cu speedy a scibi den su relato dimi cu mi a bira "muchu" ora nan a buskami. Meneer speedy sorry pero mino a bira mucha, ma para mane hende grandi puntra kiko ta pasando precies i mi tabata durante ora di trabou na trabou mino ta bai hasi bochincha ni resisti, anto si bo kier papia di ehempel wel esey ta un di nan paso mino ta bai dunabo e gusto di hasi drama pa bo media bira mas cayente i pa colmo bono tabata ni tey

presente e ora e cos a pasa. NO SCIBI COS CU BONO A WAK, PASO FACIL TA PA FORMULA UN HISTORIA I PUBLIKE PA PUEBLO, ANTO LAGANAN KERE CU TA ASINA E LA PASA MIENTRAS ENO TA.

Tambe mi kier a bisa cu bono conoce mi mayornan pa bisa cu mi a wordo lanta den un mal cas cu mino a haya ehempel nunca. Bo conoce mi tata? Bo conoce mi mama? MI TA DUDA!

I loke ma hasi no ta un falta di respet, sey ta un HOBEN ARUBIANO para den su sapato i riba su pais expresando su mes paso tur cos tin su limite. Nos como e pueblo no lo keda keto paso Aruba ta nos hogar!

DANKI DI
ANTEMANO.

Jordanny Tromp."

PARLAMENTARIONAN DI AVP TA UN BERGUENZA GRANDI PA NOS PAIS

Na momento cu un parlamento no tin e weso di lomba pa controla y para su gobierno, ta pasa e crisisnan cu actualmente Aruba ta atravesando. E crisisnan aki tin un solo number: sr. Michiel Godfried "Mike" Eman. Sin embargo no ta Mike Eman so mester wordo teni responsabel pa masacra nos pueblo, su 13 marionetanan tambe den Parlamento. Parlamentarionan cu cantidad di escandalo tras di nan number, hamas por pone un gobierno para straight. Y ta p'esey sr. Eman a scoge tipo di hendenan asina riba su lista. Uno cu ta tene relacion sexual na pia di trabao,

riba lessenaar, cu un homber cu no ta su casa, te cu su casa a bin gar'e den e acto y kibra e porta di oficina. Otro cu ta bay topa cu su amante na Tiera del Sol. Uno cu mester duna un mucha muher droga pa por pasa un rato ameno cun'e, y ta menaza hende muher y te hasta ta bati nan. Tambe tin esnan cu a paga hopi placa pa number halto riba lista, y cu mester a haya cantidad di cos pa fix, entre otro belasting di su casa. Y que hubo di esnan cu ta conoci pa haci sonido di porco y chuercha hende cu problema di peso, ladron di jeans, pa donkey of pa djaca di riol? Tampoco mester

lubida tur esnan cu ta conoci pa tin problema cu alcohol y droga, y asina mes ta core auto y causa accidente fatal. Ningun ta surpasa e supuesto trahador social cu pa su trabao e mester a drenta un famia pa yuda nan den nan problema matrimonial, y na final a sali bay cu e homber di cas. Ta logico cu parlamentarionan asina no tin cuero di cara pa sali na defensa di pueblo. Nan ta un berguenza grandi pa yama nan mes representante di pueblo. Pero mas tristo ta cu nan no kier duna cara na pueblo. Nan no kier bin dilanti y admiti nan erornan. Esey ta di condena sigur.



ANUNCIO - BLBA/077/14

Mediador di Gobierno na Aruba ta anuncia a base di articulo 15, inciso 1 di "Arbeidsbesluit III" cu e referendum menciona aki bao, tabata tin e siguiente resultado:

Fecha referendum	: Diamars 22 di april 2014
Number EMPRESA	: "Caribbean Palm Village Resort"
Cantidad empleado cu derecho di voto	: 49
Voto valido	: 38
Na favor di STA	: 38
Na favor di Ningun bond	: 1
Voto blanco	: 0
Voto invalido	: 0
Resultado di referendum	: STA a haya e mayoria

Aruba, 23 april 2014

Mediador di Gobierno
Enrique E. de Cuba

Pa bo
celebracion di
Santa Comunion



**Tin oferta unico na cual
e muchanan ta come GRATIS!!**

Celebrando cu Aruba pa 37 Aña largo





Jama of email nos pa mas informacion
na 582-3677. Wilhelminastraat 80. Oranjestad.
Email: Margaret@elgaucho-aruba.com

A reconoce nan dedicacion na sirbi nan pais

Cuerpo Policial Aruba cu reconocimiento special pa su hubilarionan



Aruba □ 22 di april 2014: Recientemente cuater Polis dedica y motiva di Cuerpo Policial Aruba a ricibi nan decreto gubernamental despues di a cumpli 30 aña trahando den e organizacion Policial. Alto Comisario mr. Adolfo □Dolfi□ Richardson a subraya cu aunke e Polisnan aki cu awendia ta ocupa funcionnan clave den e Cuerpo di Polis tin 30 aña den servicio, cu esaki no ta bisto riba nan cara, cual mester ta un prueba cu nan ta disfruta di y ta satisfecho cu nan trabao.

"Nan ta e motornan tras di diferente situacion y mester admira nan pa e compromiso cu nan tin pa sirbi nan pais y nan organizacion", mr. Dolfi Richardson a comenta.

E cuater miembronan di Cuerpo Policial cu e



celebra e aniversario aki ta Shirland Daly di e departamento di 'Bijzondere Verordeningen'; Carlos Muller di e departamento di Recherche di Noord; Alvin Lake, kende ta un pilar den e departamento cu ta otorga permisonan y Andy Young di e departamento di Recherche di San Nicolas.

Trinta aña ta un asinayama □ambtelijke mijlpaal□ cu poco hende ta alcanza, mr. Dolfi Richardson a comenta. El a haci uzo di e oportunidad, unda ta celebrando e aniversario importante aki hunto, pa apela na nan pa nan sigui duna e bon guia cu nan ta dunando na nan coleganan mas hoben, y cu menos experiencia.



Lider di UPP: Sr. Booshi Wever

MINISTER SCHWENGLE TA UN IGNORANTE Y UN COBARDE DOOR DI BISA CU E NO MESTER BAY PARLAMENTO

Nos a tuma nota tambe di varios declaracionnan di e minister Schwengle, riba cual nos kier reacciona, y tambe duna nos opinion al respecto. Ta di lamenta cu un ministro kier bin hisa benta un medida riba pueblo, y bisa cu e no mester bay Parlamento tampoco. Un ministro cu no ta contesta preguntanan cu ta sali for di pueblo! Su comportacion ta di comprende, pasobra e ta sigui e modus operandi di su "hefe" Mike Eman di hunga mooi weer cu pueblo, pero den e tranquilidad di su oficina pasa medida contra pueblo sin misericordia. E ministro ta demostra cada vez di no sa kico e ta haci. Na prome lugar su maneho ta carece di transparencia pasobra e no kier "come clean" pa cu su maneho. E ta demostra di tin cos di sconde, y esey ta haci'e en todo caso complice den e ladronicia cu ta tumando lugar den e proyecto di HOH. Na di dos lugar e kier huy di su responsabilidad. E no tin e curashi pa admiti cu mester bin cu medida, sino mas bien ta laga AZV carga cu e culpa. Na di tres lugar nos ta puntra nos mes si ta ignorancia of cobardia ta loke ta guia su maneho. Ignorante sigur e ta. Nos ta ripara cu e ni sa e contenido di e ley di AZV, y mas preocupante ta cu su conseheronan ta parce di ta mes ignorante of mas ignorante cu'ne. Su cobardia pa enfrenta parlamento y responsabiliza su mes na e organo mas halto di nos constitucion, ta nada mas cu un otro prueba cu e ta encaminando e rumbo di ta un fracaso total como minister. Pa cumenza, cualkier mandatario cu ta respeta su mes, aunque cu ley no ta oblig'e di bay Parlamento, moralmente debe pueblo un hustificacion den e cas di pueblo. Sinembargo nos kier mustra e ministro aki, si e no a yega di tende di e asina yama "voorhangprocedure" cu tin prescribi den articulo 22 y den articulo 38c di e ley di AZV. Ya cu su conseheronan no a splica e ministro, nos kier bisa su persona cu tanto pa e "eigen bijdrage" como pa e aumento drastico di e prima, bo MESTER haci uso di un LBHAM. Despues cu Raad van Advies duna su conseho al respecto, esaki MESTER ser poni "ter inzage" na Parlamento, na unda Parlamento por duna su "wensen en bezwaren". Pues no ta un procedura pisa di un ley, pero si bo NO bay Parlamento e LBHAM NO por drenta na vigor. Y si Parlamento bisa bo cu e no kier pa bin un "eigen bijdrage" y tambe no kier un aumento di prima, bo NO por hasie. Den e caso aki ta obligacion di Parlamento mes, esey si e mayoria tin e curashi pa haci'e, pa yama un reunion publico al respecto pa discuti e asunto aki te den su profundidad. Pakiko?? Pasobra den e crisis economico y financiero cu e gobierno actual a hinca nos pueblo aden, at least bo por tin e prudencia pa actua segun ley y duna nos pueblo cara pa e disaster cu ta tumando lugar. Parlamento tin e deber di defende pueblo y evita un masacre financiero. E ministro tin hasta e pudor di usa motibonan fofu pa tapa su inabilidad. Den un remetido e ta culpa nos pueblo di ta abusa di AZV door di menciona cu tin "overconsumptie".

Como un persona academico e ta suppose di sa cu mester haci un investigacion profundo y cientifico cu si en berdad ta nos pueblo ta culpable. Ta tira un cheap shot culpando nos pueblo di esaki. Pa cumenza Juan Bimba no por prescribi ningun medicina su mes. No ta Shi Maria ta traha un "verwijsbrief". Mi no por imagina mi mes cu e especialista ta laga interna un patient pa pret. Pues esnan cu mester wordo "aangepakt", ta bo propio coleganan. Bo tin e curashi di hasi esaki?? Mi no ta kere, pasobra awor bo ta cuchicuchi cu hendenan cu ta bao investigacion. Ya caba for di un estudio cu a ser haci door di X-Minister Posner, a sali afo kico ta e problemanan den nos Salubridad Publico, y e causanan mas importante di nos gastonan cu ta subi y sigui subi. Eseyan ta entre otro "vergrijzing" y malezanan cronico, pero tambe e gastonan pa keda al tanto cu e tecnologia. E maleza cronico cu ta costando nos un dineral ta malesanan cu ta consecuencia di "sobrepeso", cu tin


como resultado entre otro hopi hende cu problema di curazon. Y ta basa riba e estudio aki, a yega na e decision pa bin cu un facilidad medico "one-stop-shop" na IMSAN, cu lamentablemente e X-minister Visser, cu bo mes a cualifica como un minister cu no ta sirbi pa nada, a para y cu abo ta siguiendo e maneho di e X-Minister aki. Ta increibel con un ministro por presta su mes pa fungi como un marioneta den henter e asunto aki y ta sigui "his master's voice" cu ta sigui manipula den e asunto aki. Loke mas ta di lamenta, ta e hecho cu al final ta esnan cu ta laborando den HOH lo bira esnan cu tur culpa lo ser tira riba nan, tanto e enfermeronan como e dokternan trahando eynan. Y pa colmo de los colmos no ta bay tin placa pa e profesionalnan laborando na hospital (cu excepcion di e specialistanan). E ministro a bisa caba cu no tin placa y segun e cifranan di CBS tin un deflacion. Esey ta significa cu NO LO TIN PLACA PA UN CAO NOBO den HOH. Segun e ministro e aumento di prima ta pa financia (tapa buraco) e "overconsumptie" y no ta pa mehora e situacion financiero di e profesionalnan. Trahadornan di HOH mester exige un splicacion con ta para cu e situacion financiero di HOH y di gobierno. Kico e suma di 25.000.000,- (25MIYON) FLORIN na huur pa aña na SOGA lo bay significa pa boso cartera (esaki durante casi 30 aña)?! Nos si no ta kere cu e aumento y e "eigen bijdrage" ta pa financia e "overconsumptie", pasobra esey por wordo remedia cu otro medidanan di control riba e coleganan di e ministro actual. No ta e ministro aki mes a bisa un paar di siman pasa cu e proyecto di e "vernieuwbouw" di HOH a sali mas cu a ser premira, p'esey mester bin cu un aumento di e prima?? Y awor el'a haya otro "opdracht" pa cambia storia. Pa nos no tin duda cu e aumento aki ta pa yena saco di e mafiosonan y e actornan comprometi den e proyecto corrupto aki. Cu esaki e minister actual a demostra cu e ta inapto pa maneha e cartera aki dor di su cobardia, su ignorancia y e no ta un persona cu ta para den su zapatonan, ta otronan ta bis'e kico e mester haci of no haci. Un decepcion total den nos opinion y den opinion di un parti grandi di nos pueblo.

Feliz Dia di Rey



En conexion cu celebracion di "Dia di Rey",
nos oficianan lo ta cera riba diabierna,
25 di april 2014 henter dia.

Pa mas informacion yama 523-7100 of
e-mail nos via CustomerService@elmar.aw.



Neil Velez na Aruba e weekend aki

NEIL VELEZ..... Homber cu wowo di un PROFETA! na Aruba

Neil ta mira den FE, loke ainda No ta existi. E ta miranan y ta declare y abo mester kere, y e ta bira un realidad den bo bida.

Semper, Angelnan ta companya Neil y nunca Neil no ta faya den loke e bisa bo.

Cientos di miles di hendenan cu a kere loke Neil a predica nan, nan a haya nan milagro tambe.

Y Dios ta obra grandemente unda Neil pisa tera. Pasobra e Dios cu Neil ta Predica ta un Dios Todopoderoso cu semper ta guia su yiunan

cu ta ENTREGA nan BIDA por completo na nE.

Hopi ta puntre, ki dia e ta tuma vakantie, Neil ta contestanan dia e muri e tin tur tempo pa vakantie.

Neil sa di kiko e ta papia. Neil sa cu e mundo mester di e ayudo di Dios. Y e ta ofrese su mes pa Predica Esun cu a muri y

Resucita pa nos, CRISTO HESUS, nos Mesias y Salvador.

Pesey ruman, yega, cu un homber di Dios ta e weekend aki na Aruba y e Poder di Dios ta companye. Bini mira con Dios ta obra maraviosamente tur anochi,

pasobra Neil ta ministra tur e donnan cu Dios a confie y Dios ta usa su lipnan pa hiba e Bon Noticia di Salvashon.

Dios mes ta capacita Neil pa ministeria y predica.

Neil desde cu ela sana di e tumornan na henter

su curpa cu a lage ciego, a sana di ciegedad, di meningitis, despues di depresion, desde e tempo ey

te awe mas di trinta anya pasa, Neil a keda preso den e Amor di Cristo. Ela encontra e Tesoro scondi. Neil ta hiba e Anuncio cu goso, cu entusiasmo,

y ta contagioso. E tin un impulso incontenibel pa transmiti e misericordia di Cristo. Y e don cu semper ta sobresali den Neil, ta, e don di fe, cu ta hiba bo

al instante na bo sanacion y mesora ta nase den bo e Amor y gradicimento na Tata. Y desde e prome Testimonio, ta nase otro Testimonio, te cu tur dia

bo ta bai ripara, cu ta un Bida di Milager bo ta bibando. Y bo ta sinti e presencia di Dios den bo Bida cu ta hasi tur cos bira mas kla y comprendibel y aceptabel.

Y poco poco Senyor mes ta bai transformando bo den un hende nobo y bo ta sinyu mas di e misericordia cu Dios tin pa bo.

Pesey ruman, Neil Velez, Misioneros de Jesus Aruba conhuntamente cu Pastor Szpila, ta invita bo pa bini ne tres Asamblea "Amor di Dios ta sana"

e weekend aki April 24 na Dakota, Jacinta Kleuterschool/ 25 na San Nicolas, Centro di Bario SN./ 26 na Paradera, Club Caiquetio. Tur tres dia ta 6:30 pa 10:00pm.

Tito 1;13 'Loke El a bisa ta berdad! Pesey refuta nan fuertemente pa sana loke nan ta kere'.

Un problema di trafico a termina na un bululu na San Miguel



Diamars atardi den careda di 3:30 Polis di trafico ta bay un supuesto accidente altuta di Superfood. Algun minuut despues e storia ta cambia, caminda a wordo bisa auto lo a dal un mucha y cu e ta na tal adres. Na yegada di e Polis di trafico na e adres na San Miguel e ta topa cu un aglomeracion di hendenan basta hostina. Algun lo tabata tin herment manera chapi halado shovel etc etc cu nan y lo tabata kier a bay dal un persona. Na San Miguel aparentemente e chauffeur cu supuestamente lo a dal e mucha ta biba. E problema lo ta un problema cu di un gang di Noord cu lo tin problema cu e personan aki. Segun e mucha cu e homber lo a dal e cu auto y bay. E homber y su famia ta para ariba cu ningun momento. Aparentemente lo ta un problema biew cu lo ta andando pa algun tempo caba, y Polis aparentemente segun e famia na San Miguel lo ta na altura. Varios menasa a yega di cay caba, y segun e persona na e sitio recherche di distrito di Noord lo sa bon di e caso aki. Wel ban spera autoridad por papia cu ambos partido y drecha e cos aki pa semper.

Dede Ruiz tambe a bay bati na porta di Bestuurskantoor!

Bisa Mike cu Dede Ruiz, parlamentario di AVP a yega! Habri porta pa Dede Drenta!

Aparentemente un yiu di Dede Ruiz a wordo kita di trabao...

A ser bisa cu Dede tabatin un 'dede' pa Mike! Cua dede? Nos no sa!!

Nos bon amigo Dede Ruiz no a keda for di e pesadiya di su propio partido! Asina un testigo a informa nos redaccion. Diamars mainta tempran, Dede Ruiz a bay Bestuurskantoor y a bati na porta. Masha netchi el'a pidi e recepcionista pe por papia cu Mike Eman. Dede Ruiz a bisa: Bondia Shon, aki cu Dede Ruiz, bisa Mike Eman pami cu mi kier papia cune awor! Bise ta Dede mes, Dede Parlamentario di AVP! Tur cos ta muestra cu machetazo a cay net cerca un yiu di Dede, cu porcierto nos a tende cu ta un bon empleado y ehemplar. Nos tur por corda con tabata alaba e dede, bisando 'bon trabao', pero entodo caso esaki no ta e caso cerca Dede Ruiz. Nos no sa si Dede a logra papia cu Mike of si por a yega na un solucion, pero hecho ta cu e berdad a bati na porta. E siman aki Baba Herde a elogia Nel Oduber, ora cu ela anuncia cu gran fanfaria loke Nel a bisa na anja 2007. Dicon diripiente awor kier busca lomba di Nel pa sconde su tras? AVP a bisa cu e probelema di Aruba te huur di Hendrik Croes! Desde anja 2009 a stop tur huur di Hendrik Croes. Awor ainda tin problema? Pues aki nos ta conclui cu Mike Eman a agita contra Hendrik Croes, agita contra MEP y awor el tiro le salio por la culata!! Mike, habri porta pa Dede, pasobra Dede tin un 'dede' pabo!

SETAR ta sostene Young Blood Foundation den competencia di Flie "Kite Slam 2014, Biba nos Rey"

Setar hunto cu Young Blood Foundation y otro sponsornan cu tur aña ta apoya e competencianan di flie ta haci e celebracion di e aña aki hopi mas grandi cu e nomber "Kite Slam 2014, Biba nos Rey". E aña aki ta e di 7 aña consecutivo cu Young Blood Foundation ta organiza e actividad aki di varios dia, cu a bira super popular como tambe esun di mas grandi pa temporada di Rey. E meta principal ta pa mantene nos tradicion di pustamento di flie na Aruba y recauda fondo pa e team di Jong Aruba Lifida Menor y mayor den AVB division Hubenil. E dianan di competencia ta: Diabierna dia 25 di April 2014, cual ta un competencia cu flienar cu luz y lo ta den oranan di anochi di 7:30 pm pa 11:00 pm. Lo cuminsa registra 6:30 pm. E categorianan: 1 pa 2.5 meter. Patrocinador pa e anochi ey ta NV ELMAR. Diasabra dia 26 di April 2014 lo tin un competencia di flie mediano den

oranan di dia di 9'or di mainta pa 7:30 di anochi.

E categorianan lo ta:

A: 0,50 m- 1,00 m

B: 1,05 m-1,50 m

C: 1,55 m- 2,00 m

E categoria Ay B lo ta 6 flie banda di otro. Categoria C lo ta 4 flie banda di otro. Diadomingo dia 27 di April 2014, lo tin un competencia tambe di henter dia. E ora lo ta di 9:30 am pa 7:30 pm y lo tin 3 categoria e dia aki.

D: 2,50 m – 3,25 m

E: 3,50 m-4,25 m

F: 4,30 m-5,00 m

Inscripcionnan a cuminsa caba y ta tuma inscripcion te cu dia 25 di April proximo. SETAR lo ta presente durante e competencia di hisamento di flie riba veld di Jong Aruba pa asina disfruta tambe di e evento aki. SETAR kier a invita un y tur pa participa activamente of como publico na e competencia di hisamento di flie.

Serlimar ta informa:

Horario adapta di Parkietenbos stortplaats riba Aña di Rey

En coneccion cu e dia festivo, Aña di Rey, riba 27 di april, gerencia di Serlimar ta avisa tur negoshi y e publico en general, di e siguiente adaptacionnan:

Stortplaats Parkietenbos lo opera riba diadomingo, 27 di april di 8'or di mainta – 12'or di merdia. Riba 1 di mei, Dia di Obrero, stortplaats Parkietenbos lo ta sera.

Alaves, e servicio di recogemento di

bestianan morto, ta sigui normal riba diadomingo 27 di april (Aña di Rey). Pa peticion, por yama di 7'or di mainta te 10'or di mainta na 5845080. Nos ta recomenda pa yama mas tempran cu ta posibel. Riba 1 di mei lo no opera.

Di antemano, masha danki pa tuma bon nota di e participacion aki. Pa mas informacion, comunica libremente na 584-5080.



Auto Rijschool Bennett (ARB)
ta duna LES DI TEORIA
na SANTA CRUZ.

Luga: Copy Me & Much More...
(pabao di Rowigini's/DonPincho)
Orario: 11 a.m. – 12 p.m.
dialuna - diabierna

Pa mas informacion jama:

5 6 6 - 5 7 0 0

Yiu no a bolbe cas despues di a Sali di cine

—E muhe R.M. a yhama warda di Polis diamars 01.15, y ta bisa Polisnan cu su yiu muhe R.C. a bay The Cinemas cu algun amiga, y mas omenos 01.00, ora cu el a lanta for di soño, el a mira cu ainda e yiu no a yega cas. Central a duna Polisnan number di celular di e mucha muhe y nan a

yame. El a bisa polisnan cu e ta na cas di un amiga na Grote Bergweg. Polisnan a bay busca e mucha muhe y a hib'e cas, Polisnan a papia cun'e riba su comportacion y a bisa e mama pa bay na e instancianan concerni. Central a wordo poni na haltura

Jeep cu carga cu sushi, na Alto Vista

—Polisnan a haya informacion diamars 12.00, cu tin un jeep blanco coriendo patras di kapel di Alto Vista cu un wagen, yena cu sushi. Polis a bay den e direccion y a controla riba e caminda, pero no a topa cu e jeep, ni sushi benta canto di caminda.

Dia Mundial di Siguridad y Salud na Trabao: Tarea di Inspeccion y investigacion DTI

Oranjestad (buvu) Den cuadro di Dia Mundial di Siguridad y Salud na Trabao dia 28 di april 2014, departamento di "Dienst Technische Inspecties" (Departamento pa Inspeccion Tecnico, D.T.I.) ta duna un bista di e diferente tareanan cu DTI ta eherce. Awe nos lo trata e tareanan di e subseccion "Veiligheidsinspectie & Onderzoek" (VI&O) cu ta haci control a base di entre otro e ordenansa "Veiligheidsverordening", 1990 GT 31, "Veiligheidsbesluit 1", AB 1991 GT 21 y Veiligheidsbesluit 2, AB 1991 GT 22.

E funcionarionan di inspeccion di DTI tin autorisacion pa controla tur empresa (tienda y fabrica) y na tur proyecto di construccion e condicion di trabao y si e trahadonan ta traha na un manera sigur (safe) y ta controla tambe e bienestar (salud) di e trahadonan. E funcionario publico tin e obligacion pa mantene secrecia, es decir cu ta prohibi pa divulga informacion di loke nan a haci durante e inspeccion. Tur ambtenaar di DTI ta cana cu nan badge di identificacion, nan ta legitima

nan mes y ta splica e proposito di nan inspeccion.

Via un checklist ta controla entre otro lo siguiente nan un empresa: Number, adres, doño, cantidad di trahado masculino, femenino y trahado hubenil, orario di trabao, sorto di empresa, estado di construccion, lay-out di empresa, si tin aparato pa paga candela (brand blussers/fire extinguisher), tipo y cantidad di brandblussers, fecha di vencemento di brandblussers, salida di escape (exit door), borch di salida di escape (exit sign), luga di come, temperatura, ventilacion, iluminacion, calidad di luz (natural y artificial), zonido, stof, entre otro si ta traha cu material peligroso manera: asbest, sushi y/of desperdicio, condicion di e vloer, gas of damp peligroso procedente di entre otro trabao of otro fuentenan, instalacion electrico, instalacion di gas (tur boter di gas mester ta pafo di e edificio), EHBO kit pa prome auxilio. Tambe ta controla e facilidadnan higienico: cantidad, estado fisico y higiena. Si tin facilidad higienico pa trahado masculino y trahado femenino

separadamente indica cu borch y e luga mester tin un bentana of un fan.

Den e seccion di construccion ta controla tambe si tur trahado den e zona di construccion tin: estado di herment, estado di aparatonan electrico, sapato di siguridad, stelashi, kranen (hoist basket, cranes etc), harness y trapi, safety hat (pa edificionan di mas cu 1 piso, safety bril (na momento di bati clabo di concret, slijpmachine etc), ear plug (na momento cu tin hopi zonido), suficiente awa pa bebe of bebida no alcoholico

Na momento cu constata un of mas aspecto di siguridad of bienestar cu no ta na ordo, e subseccion di VI&O ta duna recomendacion pa mehora esey.

Den caso cu ta existi peligro eminente y/of violacion di cierto articulo di e ordenanza of e decretonan 1 y 2, VI&O ta exige pa esey wordo coregi inmediatamente y/of ta duna prohibicion pa sigui traha. Mester tene bon na cuenta cu DTI no ta cera ningun empresa, solamente ta prohibi pa e

trahadonan sigui traha. Den caso cu DTI descubri cu un empresa na varios ocasion no a cumpli cu e reglanan, anto e personal di DTI tin autorisacion pa para e trabao te na e momento cu cumpli cu tur e rekisitonan cu ley ta prescribi.

E seccion di VI&O tambe ta coopera y ta haci conhuntamente cu otro departamentonan di gobierno inspeccion durante festival, carnaval, evento deportivo etc.

Pa mas informacion y/of pa kita duda, por tuma contacto anonimo y libremente na DTI na telefon 5845300 ext. 225, ing. Mario R. (Richard) Croes of via e-mail dti@setarnet.aw.

En principio tur dunado di trabao mester tin un ehemplar di e ordenanza y e decretonan 1 y 2. E ordenanza y e decretonan 1 y 2 ta obtenibel tambe via www.overheid.aw of DTI por manda e decretonan concerni via e-mail pa esnan interesa.

Oranjestad, 23 di april 2014

Servicio Informativo di Gobierno

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa**

**Mata, Graniet. Tambe nos ta
Rosa Tereno, Coba Pos y
Fundeshi.**

ROOI BOSAL 49

TEL.: 585-1708

FAX.: 585-6299



SPECIAL SPECIAL SPECIAL

**Any Blow dry pa solamente
Afl 35.00**

**Men's haircut pa Afl 20.00
Ladies hair cut pa Afl 25.00**

**Ricibi un banjo di crema
completamente gratis cu
cualquier servicio.**

**Y puntra pa nos pakete special
pa prome Santa Comunion**

----- cut along the dotted line ----- ✂
**CORTA Y TRESE E COUPON AKI NA BLUSH Y RICIBI
EXTRA DESCUENTO**

Santa Cruz 36

TEL 585-3323



Karel Maduro di MEP:

Awor mas cu nunca mester para e dos eventonan di Green Conference y Europe meets the Americas

Pueblo di Aruba, si por pa bo, por pa mi tambe. Con ta posibel cu gobierno pa medio di flamante Minister di Finanzas ta manda hende cas, sin import'e e consecuencianan financiero di dicho hendenan, anto gobierno kiertira placa afor haciendo dos evento cu realmente no ta bay significa nada pa Aruba. Si ta corta sr. Yrausquin ta corta den e gastonan di gobierno, e mester stop e eventonan inutil y inapropia organiza pa su propio gobierno. Aki facilmente nos por papia di spaar minimal 4 miyon florin cu lo bay wordo benta afor. Of mihor bisa, placa duna na otronan door di gobierno, pa satisfaccion y gloria propio di algun miembro gobernante. Dicon e gobernante no ta tene cuenta cu gastonan, ora ta trata di gastonan

di e propio gobernante? Aki mi ta referi na e hecho cu probablemente sr. Yrausquin mes a gasta 9.000 florin na pasashi pa bay Washington y despues otro 10.000 florin pa sigui pa Hulanda. Dicon asina caro, pasobra ta pura pura nan ta hinca viahenan den otro y nada planea, pues bo tin cu paga mas. Nan no ta worry, pasobra ta pueblo ta paga toch! Mescos Mike ta bay tuma galardón na Merca y despues ta sigui pa Hulanda pagando alrededor di 23.000 florin na pasashi. Atrobe PUEBLO ta pagal! E casonan aki ta tristo pa menciona, pero pueblo TIN cu cera conoci cu e berdad. Sr. Yrausquin ta manda hende cas sin misericordia y sin tene cuenta cu nada. Muy probable e mes ta tres hende so e tin ta traha



cune. Aparentemente dos di nan ta wordo ge-sponsor via otro departamentonan di gobierno, muy probable Banco Central y Centraal Bureau di Statistiek. Sr. Yrausquin mes NO tin 197 hende ta cana rond di su persona manera otro ministernan. P'esey e ta kita ken cu ta y NO ta

prolonga ningun contract mas tampoco, pasobra NO ta su persona a pone e hendenan eyan! Ministerraad, ata pa boso goza, sr. Yrausquin tin boso mara na man cu pia! Mi ta keda para ariba cu pueblo no por bay sufri hamber y gobierno si ta sigui gasta placa pa loco y sr. Eman

ta sigui biba "la vida loca". E otro ministernan cu nan hendenan ta wordo manda cas, kico nan ta bisa di tur e sucedidonan? Nan tambe ta complice cu sr. Yrausquin? Gaña e pueblo pa vota pa bo door di duna e pueblo un contract di trabao y awor skop e pueblo y core cu hende na mal manera, ta forma di trata cu pueblo? Awel, husticia tin cu vence pa e pueblo di Aruba. Sr. Yrausquin mester STOP e dos eventonan di locura cu yama Green Conference y Aruba meets the Americas, pasobra no tin placa tampoco pa esakinan. No tin pa pueblo, no tin pa duna ningun otro tampoco. Pueblo exige pa gobierno, lidera pa sr. Eman, pone un punto final na e eventonan aki. Nos mester cuminsa para pa nos derechonan.

Evento Anual di Fli di Young Blood Foundation

Riba veld di ex-Jong Aruba Lifida
Banda di "Brug di Madushi"

-- UNICO DIANAN DI INSCRIPCION --

14, 15, y 16 April 2014 di 6 pm te cu 8 pm
22, 23, y 24 April 2014 di 6 pm te cu 8 pm

25 April
Fli di LUZ

26 April
Fli MEDIANO

27 April
Fli GRANDI

Ban hisa Fli



SC United

Kite Slam

BIBA NOS REY!



Diabierna 25 April 2014 — Fli di ANOCHI
• CATEGORIA Fli: 1.00 meter ~ 2.50 meter

7:00 pm - 12:00 am

Diasabra 26 April 2014 — Fli MEDIANO


• CATEGORIA -A- Fli: 0.50 meter ~ 1.00 meter
• CATEGORIA -B- Fli: 1.05 meter ~ 1.50 meter
• CATEGORIA -C- Fli: 1.55 meter ~ 2.00 meter

9:00 am - 7:00 pm

Diadomingo 27 April 2014 — Fli GRANDI

• CATEGORIA -D- Fli: 2.50 meter ~ 3.25 meter
• CATEGORIA -E- Fli: 3.50 meter ~ 4.25 meter
• CATEGORIA -F- Fli: 4.30 meter ~ 5.00 meter

9:00 am - 10:00 pm



Homber overdosis haya banda di restaurant

PALM BEACH—Central di Polis a haya informacion for di Alarm Central diamars 01.03, cu na altura di Solemare Restaurant, nan a haya un homber malo. E victima supuestamente lo ta overdosis. Ambulance a hibe poli pa tratamento. Polisnan a bay poli y eynan nan ta haya informacion cu e victima un tal C.M. naci na Colombia ta keda interna pa observacion, como cu e ta hala rosea, pero no kier lanta.

Bisicleta ta disparce for di garashi

SABANA BASORA—E homber J.F.C, diamars 05.31, a bay warda di Polis pa duna keho di ladronisia di su bisicleta cu tabata den su garashi. E ta bisa cu ladronnan a bay cune. Polis a tuma e keho.

Desconocinan a causa basta destruccion na EPI y a bay cu flatscreen

ORANJESTAD—Polisnan di Oranjestad a bay diamars 06.01, na EPI na Seroe Blancopa un kiebro. Eynan e guardia S.M. kende ta bisa Polisnan cu desconocinan a kibra den seis local y a bay cu 6 flatscreen. Tambe nan a kibra 3 slot di porta di tres local y a spuit 14 lampi cu verf preto. Tambe nan a spuit algun grafiti riba e murayanan. Central a pone Recherche na altura cu ta encarga cu e investigacion.

Algun hoben ta bolter cu un Suzuki Jimmy altura di Natural Bridge

Dialuna anochi Polis ta bay pa e caminda cu ta yega pa Natural Bridge. Informacion ricibi den e ora di anochi ey tabata indica cu un Jeep lo a bolter. Na yegada di patruya berdad ta topa un Suzuki Jimmy di banda. Aparentemente den dje tabata tin algun hoben, y pa un of otro motibo lo a perde control y bay di banda. Danki Dios no tabata tin persona herida, paso e por tabata hopi peor. Takel wagen a presenta y a bolter e auto y hibe nan cas.




MESTER DI PLACA? EMPEÑA Y CUMpra ORO

PASA Y COMPROBA PA BO MES!



JUWELENHUISJE

ORARIO 10AM - 6PM DIALUNA TE DIABIerna



Parlamentario mr. Xiomara Ruiz-Maduro:

For di Februari 2014 nos Minister di Finanzas ta directamente bao di curatela di Hulanda

Siman pasa a bira conoci cu nos Pais ta bao di curatela di Reino (lesa Hulanda) pa motibo di e mal maneho financiero hiba pa Gabinete Eman. Manera premira na e mesun momento cu e noticia aki a bira conoci nos Ministernan Eman y Yrausquin a core sali y nenga e noticia aki bisando cu Aruba no ta bao di ningun curatela. Pero for di e relato di e Conferencia di Reino di e Minister Hulandes Plasterk di asuntonan di Reino na Tweede Kamer, ta sali na cla cu nos Minister di Finanzas ya for di 11 di Februari 2014 ta bao curatela di Hulanda. Minister Plasterk den su carta fecha 15 di April 2014 a informa Tweede Kamer riba e Conferencia di Reino cu a tuma lugar na Aruba 2 di April ultimo. Den e carta aki e mandatario di Hulanda a informa Tweede Kamer, entre otro, riba e situacion di e finanzas publico precario di nos Pais den e sigiente forma. "Er zijn de nodige zorgen omtrent de financiële situatie van het land Aruba. De Arubaanse instituties als de Raad van Advies en de Algemene Rekenkamer en het Internationaal Monetair Fonds hebben diverse malen kritische kanttekeningen gemaakt over de houdbaarheid van de openbare financiën en de almaar groeiende Arubaanse staatsschuld. Om die reden zijn er in de Rijksministerraad afspraken gemaakt met Aruba over het verlenen van (zelf)inzicht in de houdbaarheid van de overheidsfinanciën, onder meer door een onafhankelijke toets op de begroting 2014,

en over een pad naar begrotingsevenwicht waarover ook het IMF geadviseerd heeft. Ik heb in dit verband op 11 februari 2014 aan de minister van Financiën van Aruba een brief gezonden over het verlenen van (zelf)inzicht in de houdbaarheid van de overheidsfinanciën door Aruba, onder meer middels een onafhankelijke toets op de begroting 2014, en over de noodzaak van begrotingsevenwicht. Aruba is en blijft geheel zelfverantwoordelijk voor de houdbaarheid van de overheidsfinanciën en dient daarvoor alle noodzakelijke maatregelen te treffen. Ik zal uw kamer nader informeren zodra er meer duidelijkheid is over de stand van de overheidsfinanciën van Aruba, mede aan de hand van het daartoe door de regering van Aruba toegezegde onafhankelijke onderzoek op de vastgestelde begroting 2014." For di e texto aki ta bira bisto cu ya for di Februari 2014 caba nos Minister di Finanzas ta bao di curatela di e Minister di Reino. Na unda cu nos gobernantenan antes no mester a duna cuenta con ta hiba e maneho financiero y por a traha e presupuesto di nos Pais den tur libertad, awe nos mester duna cuenta na Hulanda con ta maneha e cartera di nos Pais y riba dje mester laga un otro organo cu no ta Raad van Advies of Parlamento di nos Pais duna un evaluacion independiente di e presupuesto di 2014 pa nos Pais. Esaki ta e consecuciadi a hiba un mal maneho financiero y na unda cu Hulanda su



desconfianza ta asina grandi cu ta pone cu manera mucha nos gobernantenan mester duna cuenta na e Minister di Reino y na su turno na Tweede Kamer di Hulanda. Awor Ministernan Eman y Yrausquin lo sali bisa cu ta Aruba mes a palabra pa duna cuenta na Hulanda, pero nos mester corda cu si tur cos tabata "koek en ei" entre Hulanda y Aruba, nunca lo mester tabata tin dunamento di cuenta di e manera cu awor mester duna na Hulanda. Ta solamente ora cu bo ta bao di curatela bo mester duna cuenta asina. P'esey ta bisto cu for di februari 2014 nos Minister di Finanzas ta bao di curatela di Hulanda.

Seguro di bida Garantiza

Facil manera un dos tres

1. Yena bo aplicacion,
2. Paga bo premie,
3. Y cla bo ta segura



Tur persona entre 18 y 80 aña ta cualifica te cu maximo di

Afl. 25.000,=.

Sin importa bo estado di salud. Plania bo futuro, proteha bo famia

LYDER INSURANCE CONSULTANTS N.V.

Seroe Blanco 56A

Regents Park, Aruba D.C.

Phone: (297) 582-6133 / 582-3599 Fax: (297) 588-9200

Email: lyder@setarnet.aw

Minister di Salud, Deporte y Cuido di Nos Grandinan ta invita tur mucha pa participa den Weganan di Rey 2014



Minister di Salud, Deporte y Cuido di Nos Grandinan, Dr. Alex Schwengle ta extende un invitacion na e comunidad henter pa bira parti di e actividadnan

cu lo tin den cuadro di Dia di Rey. Manera ta conoci, cumpleaños di Su Mahestad Rey Willem Alexander lo wordo celebra den grandi cu yen

di actividad y weganan pa nos muchanan. E dia di celebracion a wordo stipula door di e comision organizador den Reino riba diabierna 25 di



April 2014 y ta coincide cu e siman di vacacion escolar. IBISA, Instituto Biba Saludabel y Activo, ta e instancia encarga cu e celebracion di 'Weganan di Rey 2014' y esaki ta bay tuma lugar na 3 localidad cu e meta di duna oportunidad na un cantidad mas grandi di mucha pa participa y celebra e dia aki. Minister Schwengle a duna di conoce. E lugarnan caminda e actividadnan lo tuma lugar ta San Nicolas na IBISA Sport Centrum situa na Dr. Schaepmanstraat 52. Otro localidadnan ta na Parke Curason Jaburibari y Plaza Turismo Linear Park. E actividadnan riba diabierna ta cuminsa pa 8'or di mainta y ta caba pa 12'or di merdia. E

dia aki e muchanan lo inicia nan actividad cu un desayuno saludabel sigui pa actividadnan deportivo, baile y musica. Minister di Salud, Deporte y Cuido di Nos Grandinan ta remarca cu e participacion na e actividadnan aki ta completamente gratis pa muchanan entre 6 y 12 aña di edad. Sinembargo, door cu e lugarnan ta limita kier pidi e mayornan pa inscribi e muchanan cu ta participa y tambe na cua di e localidadnan. Por inscribi atravez di ibisa.socialmedia@gmail.com of tambe personalmente na oficina di IBISA situa na Frankrijkstraat 1 of IBISA Sport Centrum San Nicolaas Dr. Schaepmanstraat 52.

★ NORTH PACIFIC ★

COD FILLET

Premium

QUALITY IS OUR RECIPE®

[FACEBOOK.COM/WENDYS-ARUBA](https://www.facebook.com/Wendys-ARUBA)

Bunita ceremonia di apertura di e 29th CARIFTA Swimming, Synchronize and Open Water Championship

Diamars atardi, e di 29 edicion di e CARIFTA Games a inicia cu e ceremonia di apertura na e Piscina Olimpico Roly Bisslik na Savaneta. E atardi a cuminsa unda a yama cada un di 19 paisnan participante kendenan a desfila dilanti e publico y invitadonan presente. Entre e invitadonan nos por a mira su excelencia Minister di Asuntunan Social y Hubentud, Drs. Paul Croes como tambe miembro di Parlamento, Sr. Donny Rasmijn. E islanan di Antigua & Barbuda tabata esnan prome den fila pa habri e apertura, mientras e atletanan di nos dushi isla di Aruba como pais anfitrión tabata e ultimonan den e fila, caminda cu bao grito y aplauso nan a ser ricibi. A sigui cu un bunita baile folklorico presenta pa Club di Movimiento.

Presidente di Arubaanse Zwembond, Sra. Marion Kan, a hiba palabra e atardi aki, unda ela gradici tur e paisnan presente na e Carifta 2014. E ta spera cu na banda di e competencia, e paisnan por disfruta di loke Aruba ta ofrece na nan. Tambe a gradici e comision organizador y e grupo di boluntarionan cu for di e luna di januari ta trahando masha duro mes riba e campeonato di Carifta. Manera Sra. Kan a acentua cu awe nos por mira e futuro estreyanan di landamento, landamento sincroniza y Open water, nan nombrenan sigur lo resona den futuro cercano. A elogia e trabao di Gobierno como tambe e patrosinadonan, kendenan a contribui grandemente cu e Carifta

2014, sin nan ayudo e tabata imposibel pa por a organiza un evento di e magnitud aki. Minister di Asuntunan Social y Hubentud, Drs. Paul Croes tambe a dirigi su mes presente unda ela yama e delegacionnan un caluroso bon bini na Aruba y na mesun momento a desea tur e atleta y nan coachnan hopi exito durante di e 4 dianan di competencia. Por ultimo Minister Croes a declara oficialmente e Carifta 2014 habri. Na final e atleta Jordy Groters a lesa e credo den number di tur e atletanan presente, mientras Jennifer Soekander a lesa e credo den number di e oficialnan. Pa clausura e apertura, e seleccion di landamento sincroniza a presenta un bunita show pa e publico.



SOLO Local.....

Por medio di e comunicado aki RadioDushi kier a anuncia un miembro nobo di nos radio!



Akash Sujana bo number di DJ Kash lo ta formando parti di e team Dushi.

Number di su show lo ta #KASHDENCAS y lo ta presenta tur studentenavond di 19:00 pa 20:00 orario di Hulanda a través di www.radiodushi.com

Radio Dushi ta invita tur nos radio oyente nan pa no perde e gran inicio di #KASHDENCAS diahuebs awor.

DJ Kash (Akash Sujana) ta un estudiante Arubiano bibando na Utrecht, Hulanda. For di aña 2010 Kash a cuminsa DJ na Aruba y pa 2012 ya el'a toca den mayoria club

nocturno na Aruba. Na aña 2012 Kash a disidi di studia International Business na Hulanda y eyan tambe Kash ta sigui DJ den club nocturno. Kash ta toca varios genero di musica, pero e ta specializa den EDM (Electronic Dance Music).

Tambe, Kash gusta traha su mesun "mashups" y "edits" pa asina su setnan por ta mas creativo posible. E "mashups" y "edits" nan aki ta wordo toca door di varios DJ

conoci y menos conoci manera FeestDJ Ruud, Pelari, Lady Bee, Blasterjazz, Wiwek, Gregor Salto y mas rond di mundo.

DJ Kash tin 3000 likes riba facebook, 800 followers riba soundcloud y e ta sigui promove su number na Hulanda y na Aruba tambe. Pa mas informacion por busca DJ Kash riba Facebook, Soundcloud, Instagram, Twitter y Mixcloud.

INVITACION PA APARICION DI MAMA MARIA NA KOYARI DIABIerna DIA 25 DI APRIL 2014

Grupo di oracion Catolico, "The Voice of Jesus" ta haci un invitacion na henter pueblo di Aruba, pa asisti diabierna dia 25 di April 2014 na e Aparicion di Mama Maria, La Birgen di Gracia di Aruba, riba e tereno bendiciona na Koyari, adres ta Koyari 13-B.

Pa 7.00 di anochi ta cuminsa cu e introduccion y pa 8.00 ta cuminsa reza e oracion di Santo Rosario y durante e oracion, Mama Maria ta aparece pa duna tur esnan presente Su bendicion y pa scucha nos peticionnan y pa nos por scucha Su mensahenan divino.

Laga nos tur bini pa gradici Mama Maria pa Su presencia y Su amor, cu e aña aki ta bay haci 16 aña, cu nos dushi Mama ta bishita nos isla di Aruba. Tambe Mama Maria ta pidi pa tur hende por trece mas tanto persona cu ta posibel, especialmente enfermonan.

P'esey laga nos tur bini hunto pa duna Mama Maria y Su dushi Yui Hesus, e amor y e aprecio cu Nan merece.

Aña di Rey:

Competencia di fli na Playa Pabao

Playa Pabao – Directiva di Centro di Barrio Playa Pabao ta participa na e hubentud y adultonan di Playa Pabao y di Aruba engeneral cu e aña aki lo tuma lugar su tradicional competencia di fli. E actividad aki ta tuma lugar diasabra 26 di April pues Aña di Rey na Centro di Barrio Playa Pabao. Inscripcion ta tuma lugar riba dia di competencia for di 07.45am pa 08.45am y lo cobra e suma di 5 florin pa fli. Competencia di fli ta cuminsa 9 or. Lo competi den 3 categoria: categoria A di 10 cm – 50 cm, categoria B di 51 cm – 100 cm y categoria

C di 101 cm – 200 cm. Directiva di Centro di Barrio Playa Pabao ta pidi participantenan pa tuma bon nota di e categorianan y e orario di inscripcion. Directiva di Centro di Barrio Playa Pabao ta desea e participantenan tur clase di exito riba e dia aki. Lo tin un bar y cushina bon sorti. Pues bin celebra Aña di Rey den un ambiente familiar na Centro di Barrio Playa Pabao. Y no lubida cu merdia di 3'or pa 5 'or tin oportunidad pa baila cu e banda cu ta trece mas ambiente na Aruba esta "Simplemente PaBo".

GUARDIAN GROUP

Sprint Triathlon Nacional

Aruba Triathlon Association ta organisa diadomingo, 18 di mei 2014 e **GUARDIAN GROUP Sprint Triathlon Nacional 2014**, pa 7:00 di mainta na Boca Catalina.

E evento aki ta pa mucha, junior y adulto.

Distancia:	Kids te cu 14 aña :	Swim 375 m □ Bike 10 km □ Run 2.5 km
	Junior & Adulto Mbe :	Swim 750 m □ Bike 20 km □ Run 5 km
	Female Open 15+ :	Swim 750 m □ Bike 20 km □ Run 5 km

(Tri)atletanan por participa Individual of den Team di Releva.

Inscripcion: 10 florin pa Individual miembro di ATA

20 florin pa No miembro

30 florin pa Team di Releva.

Inscripcion via www.arubatriathlon.com pa inscripcion.

Pago di inscripcion so lo sosode e mainta prome cu e evento.

ULTIMO DIA PA INSCRIBI LO TA DIAHUEBS, 15 DI MEI 2014. TENE BON CUENTA CU ESAKI!!

A.T.A. ta spera e tri-atletanan lo ta presente na tempo, pa e evento start na ora.

Lo tin medaya pa e categorianan y trofeo pa e Campeonnan Nacional 2014 Femenino, Masculino y Mucha.

Team President: 1730, Aruba
arubatriathlon@hotmail.com
 ☎ (297) 742-2434 President: E. Gomez
 ☎ (297) 594-0057 Secretary: Brenda L. Croes-Tromp



SOLO Deporte.....

Team Aruba ta fuerte riba e prome dia di competencia Carifta 2014 cu 13 medaya conquista

Anima pa un publico grandi presente na Piscina Olimpico Rolly Bisslik na Savaneta, nos landadornan a habri fuertisimo den e campeonato di landamento Caribense. Diamars mainta e di 29 edicion di e Campeonato CARIFTA den landamento a inicia na Aruba. E delegacion di Aruba ta bon representa, durante cuatro dia largo nos mihor landadornan den tur e categorianan lo bataya contra e competidornan di otro 18 paisnan presente na Aruba.

Riba e prome anochi di e competencia di Carifta 2014, e seleccion di landamento di Aruba a muestra cu nan ta determina pa logra un bon resultado final den e Carifta aki. Un total di 13 medaya parti den 3 Oro, 3 Plata y 7 Bronz ta loke nos atletanan di landamento a logra bai cune den un elenco di landadornan potente den e region di Caribe. No obstante cu nos muchanan a demostra cu indudablemente nos ta den e top di Cariba pa loke ta e deporte aki, asina mes nos tin cu duna credito na paisnan grandi y fuerte manera Barbados, Bahamas, Guadelope, Trinidad and Tobago y Jamaica kendenan tin algun landador di clase apart.

Mester bisa cu e landador Jordy Groters tabata simplemente grandi riba e prome anochi di cometenencia unda e ta logra un medaya di Oro pa den e 200m mariposa y esaki alabez tabata un record nobo pa Carifta, cual porcierto tabata di e propio Groters y un tempo A pa loke ta e clasificacion pa Youth Olympic Games di Nanjing, China. Den

e mesun heat e hoben Mikel Schreuders tambe ta logra un medaya di brons ora e ta finaliza na e tercer lugar. E hobencita Keelay Maduro a duna un tremendo bataya den e 100m mariposa unda por poco e ta sorprende su contrincante pero mester a keda conforme cu e medaya di Plata. Mester bisa cu Keelay a baha su tempo cu no menos cu 2 seconde cual den termino di landamento ta hopi. Den e edad di 11 - 12 aña tanto femenino y masculino nos tin algun bon talento na caminda manera e hobencita Elisabeth Timmers y e hobencito Brandon Cheung, ambos atleta a logra cai den medaya, unda Brandon ta gana un medaya di Plata den e 200m breaststroke y Elisabeth ta logra un medaya di brons den e 100m mariposa. E landador Rebecca Maduro tabata determina pa logra un medaya den e 100m mariposa, den e ultimo meternan Rebecca remata den un forma tremendo, esaki tabata bon pa un medaya di Plata. Riba e distancia largo tanto Florence Kock (800m freestyle), Daniela van den Berg (800m freestyle) y Patrick Groters (1500m freestyle) a logra bai cu nan medaya di brons den 13 - 14 aña. E hoben Patrick Groters ta logra dos medaya e anochi aki ora e ta gana un medaya di brons den e 50m backstroke.

Den relay team Aruba tabata fantastico unda principalmente e damitanan apone e publico tembla di suspenso. Den e categoria 13 - 14 aña e hoben Florence Kock den e ultimo 50m ta remata den un forma increibel a asina logra

medaya di Oro pa Aruba hunto cu Keelay Maduro, Anahi Schreuders, Junice Wernet den e 400m freestyle. Ta bon pa bisa cu e relay team di 13 - 14 aña ta kibra e record di Carifta cu no menos cu 2 seconde. Den e edad di 15 - 17 aña Aruba a muestra su superioridad ora cu e rumannan van den Berg esta Daniela y Andrea hunto Ginayla Arends y Rebecca Maduro ta logra un otro medaya di Oro den relay esaki den e 400m freestyle. Den 11 - 12 aña e hobencita Elisabeth Timmer apesar cu tabata un distancia basta atras ta logra recupera cada mester y ta bin logra medaya di brons pa Aruba hunto cu su compañeronan Gwennady Kock, Dytaysha Laurence y Zoe Thode den e 400m freestyle.

Despues di un dia di competencia Arubatan a di 4 lugar den e campeonato di Carifta 2014, tras di Trinidad and Tobago, Bahamas y Barbados. Pa loke ta e team score Aruba ta a di tres lugar cu 124 punto cual ta 0.5 menos cu e equipo di Trinidad and Tobago, e pais di Bahamas ta lidera cu 149 punto. E campeonato di Carifta ta sigui diamars mainta cu e pre-finalnan y atardi cu e finalnan.



SOLO Local.....

“Mercado di Santa Rosa & Opendag cu delicioso cuminda crioyo”

Departamento di Agricultura, Cria y Pesca sosteniendo cultura di nos sector primario

Diadomingo dia 27 di April Santa Rosa unbiaha mas lo habri su portanan unda cu lo celebra Dia di Tera den forma grandioso cu e popular Mercado di Santa Rosa hunto cu un espectacular Opendag.

Manera e Mercadonan di Santa Rosa ta popular pe lo tin diferente tentnan bendiendo fruta y berdura cosecha na Aruba, carni fresco, remedinan di tera, artesanía, mata y boca dushi.

Tambe lo tin diferente tentnan presente bendiendo delicioso

cumindanan crioyo manera;

- Snacksnan vegetariano

- Sopi di lionfish, carni, seafood, bestia chikito y oester

- Breaded lionfish

- Cabrito riba grill, stoba y sanger yena di cabrito

- Lomito hasa

- Cocolishi, pisca hasa, kerí kerí, paella, filet di tiburon y chuchu y tempera di pisca

- Carni, galiña y kool stoba y bestia chikito

- Chorizo, sanger yena, pan cu galiña, johnny cake cu bacalao

- Boonchi, boonchi cora, comcomber chikito y papaya stoba

Durante e grandioso celebracion aki tambe lo tin diferente juicenan fresco, batido y un bar bon surti.

Hunto cu e delicioso cuminda tur presente lo haya e oportunidad pa sera conocir cu tur e

diferente seccionnan di Santa Rosa manera ta e seccion di Agricultura, Cria, Horticultura, Apicultura e e seccion mas gusta pa e chikitanan cual ta e Cunucu di Chabelito.

Santa Rosa ta invita pueblo completo pa bin celebra Dia di Tera riba diadomingo 27 di april for di 9or pa 3or na Santa Rosa.

“BAN SOSTENE NOS CULTURA, PRACTICA CRIA, PESCA Y AGRICULTURA”



PRONOSTICO DI TEMPO PA ARUBA VALIDO TE DIAHUEBS 24 DI APRIL 2014

COMPILA:
DIARAZON 23 DI APRIL 2014
17:00 (21:00 UTC)

TEMPO:
CIELO PARCIALMENTE TE
LEVEMENTE NUBLA.

TEMPERATURA MAXIMO
32 GRADO CELSIUS Y
TEMPERATURA MINIMO 27
GRADO CELSIUS.

SOLO TA SALI 06:23 AM Y TA
BAHA 06:54 PM.

BIENTO:
MODERA TE FUERTE DI
DIRECCION OOST CU AVERAGE
DI 19 NUDO Y BIENTO MAXIMO
DI 30 NUDO.

SITUACION GENERAL:
E TEMPO ACTUAL NO TA BAI
CAMBIA HOPI Y LO SIGUI
PERSISTI PA E SIGUIENTE
DIANAN.
E BIENTO LO KEDA MODERA TE
FUERTE.

E SECURA LO WORDO
MANTENE DOR DI E FLUHO
ANTI-CICLONICO DEN
NIVELNAN MAS HALTO.

ESAKI TAMBE LO PUSHA
NUBIANAN DEN NIVELNAN MAS
HALTO FOI ZUID-AMERICA PA
NOS AREA

PERO E NUBIANAN AKI NO TA
TRECE AWACERO.

DEN NIVELNA ABOU TIN
GRUPONAN DI NUBIANAN
CU POR CRUZA NOS AREA Y
ASINA UN YOBIDA

LEVE Y CORTICO POR CAI
DEN ORANAN DI MARDUGA
PA MAINTA TEMPRAN.
SINEMBARGO E CANTIDAD
DI AWACERO NO TA
SIGNIFICANTE.

STOF DI SAHARA POR REDUCI
VISIBILIDAD UN TIKI.

CONDICION DI LAMA: OLANAN
DI LAMA LO TA DI DIRECCION
OOST CU HALTURA DI 5 TE 7
PIA.

PROSPECTO DI TEMPO PA E
RESTO DI SIMAN:

PARCIALMENTE TE
LEVEMENTE NUBLA.

BIENTO TA KEDA MODERA TE
FUERTE.

STOF DI SAHARA POR REDUCI
VISIBILIDAD UN TIKI.

TEMPERATURA LO FLUCTUA
ROND DI NORMAL.

REGISTRACION DI
TEMPERATURA (CELSIUS) Y
AWACERO (MM) DEN ULTIMO 24
ORA:

AIRPORT MAX 32 / MIN 27 / 0.00

HADICURARI MAX 30 / MIN 26 /
0.00

E PROXIMO BULLETIN LO
WORDO PUBLICA DIAHUEBS 24
DI APRIL 2014 17:00 (21:00

UTC)

SOLO Local.....

Hobennan di Reino den debate na Sint Maarten

Di 20 te cu 22 di Mei Parlamento Hubenil di Reino ta tuma lugar na Sint Maarten. Cinco equipo di cada un dies hoben, lo debati cu otro riba diferente topico, manera enseñanza, cultura, desaroyo duradero y derechonan di mucha y lo ta duna nan punto di bista riba presente y futuro di Reino. E teamnan ta procedente di Hulanda, Corsou, Aruba, Sint Maarten y lo tin un team mixto di hobennan di Bonaire, Sint Eustatius y Saba (Hulanda Caribense). E Parlamento Hubenil di Reino ta e di tres evento nacional di e Comité Nacional 200 aña di Reino cu ta organiz'e den cooperacion cu Comité pa Relacionnan di Reino.

Su Alteza Real Princes Beatrix lo haci apertura di e Parlamento Hubenil di Reino riba diamars, 20 di Mei. Durante di e dianan cu tin sesion e lo ta presente na algun parti y recepcionnan di Parlamento Hubenil y lo papia cu algun di e miembronan di e teamnan.

Hobennan entre 16 y 23 aña por a postula nan mes pa medio di un grabacion, como candidato pa participa. Mas o menos 150 hoben a haci esaki. Pa selecta e teamnan a tene cuenta cu entre otro e entusiasmo, forsa di conviccion y consistencia pa loke ta trata contenido. Banda di esey Reino mester tabata representa den mas amplio posibel tur forma. A selecta cincuenta hoben, reparti den cinco equipo.

Cada equipo tin un coach cu experiencia y experencia amplio den politica y gobernacion: Miembro di Eerste Kamer, Marijke Linthorst, pa Hulanda, ex Prome

Minister di Antianan Hulandes, Suzy Römer, Pa Corsou, Minister Michelle Winklaar, pa Aruba, ex Gezaghebber, Franklyn Richards, pa Sint Maarten y ex Secretario di Estado Antiano, Nora Sneek, pa e team di Hulanda Caribense. Roderik van Grieken y Else van Nieuwkerk di 'Nederlands Debat Instituut' lo percura pa guia e debatenan riba e bon caminda pa loke ta trata contenido.

Buki di historia

Pa ocasion di celebracion di 200 aña di Reino, Comité Nacional a laga traha un buki chikito di historia (liña di tempo) tocante di Hulanda y e seis islanan Caribense. E yama, "Eenheid en verscheidenheid – 200 jaar Koninkrijk, Nederland en de zes Caribische eilanden in jaartallen" y lo keda reparti bou di tur alumnonan di e promé añanan di HAVO/VWO y e alumnonan di klasnan mas ariba di MAVO/VSBO riba e seis islanan. Den e buki aki tin un liña di tempo cu añanan cu ta referi na e sucesonan historico mas importante riba tur e islanan. E buki ta ofrece banda di un bista general interesante, tambe puntonan di referencia pa docentenan pa por profundisa mas riba historia di cada isla. Riba 21 di Mei, Ank Bijleveld, presidente di e Comité Nacional, lo entrega e prome ehemplarnan na un grupo di alumno di Sint Maarten Academy, den presencia di Prensés Beatrix.

Webmagazine

For di awe e 'webmagazine' riba www.200jaarkoninkrijk.nl ta completamente dedicá na e partinan Caribense di Reino, cu entre otro

entrevistanan cu un cantidad di hobennan di e Parlamento Hubenil di Reino. Tambe por lesa entrevistanan cu Cuco Martina (FC Twente), ex landadó, Enith Brigitha y un yamada musical di miembro di Comité Nacional, Izaline Calister.

Comité Nacional 200 aña di Reino

Parlamento Hubenil di Reino ta e di tres evento nacional di e Comité Nacional 200 aña di Reino, despues cu e celebracion a ranca sali (30 di November 2013) y e 'Grondwet Festival' (29 di maart 2014). Durante di e celebracion ta para keto na e pasado, presente y futuro comun. Y tambe pa celebra loke ta mara tur habitante di Reino: un democracia cu derechonan igual y obligacionnan pa un y tur. Despues di Sint Maarten lo sigui tres evento mas na respectivamente Maastricht (30 di augustus 2014), Zwolle (18 di april 2015) y Amsterdam (26 di september 2015).

Den liñanan grandi e programa di e Parlamento Hubenil di Reino ta lo siguiente:

Dialuna 19 di Mei – Ceramento conoci di hobennan cu otro y cu miembronan di e Comité Nacional

Diamars 20 di Mei – Apertura oficial y comienso di e debatenan

Diarason 21 di Mei – Tayernan y cena

Diahuebs 22 di Mei – Formulacion di un declaracion final y un ciere festivo

Diabierna 23 di Mei – Despedida y salida

INVITACION PA CONCIERTO DOMINICAL DONNY LACLE

Diadomingo 27 di April lo tuma lugar e siguiente Concierto Dominical Donny Lacle, cu manera semper lo ta den Restaurant the French Steak House di Manchebo Beach Hotel.

E biaha aki atrobe e comision organizador a logra hincá un programa atractivo y varia den otro cu sigur lo ta na agrado di un y tur.

Como prome actuacion lo tin Grupo Araguaney cu ta consisti di Morela Rangel riba (Arpa), Sergia Betancourt (cuatro y cantante) y Mildred Martins (Maracas). Pa e ocasion aki nan ta wordo renforsa pa e famoso arpista sra. Jhosayra Rojas kende su formacion musical a wordo hopi influencia pa e conocido maestro Venezolano Juan Vicente Torrealba.

Despues lo sigui cu presentacion di Isaac Farreras, pianista kende a cuminsa studia musica na edad di siete aña bao guia di diferente maestro musical di Ecuador, Peru y Venezuela y cu lo trece un repertorio hopi varia.

E concierto lo sera cu presentacion di Mariachi Perla di Aruba, cual grupo ta asina conoci, cu nan no mester di mas introduccion.

Tur hende ta keda cordialmente invita pa bin pasa un rato agradabel y goza di e presentacionnan.

Entrada ta gratis y e concierto ta cuminsa pa exactamente 11'or di mainta y lo termina 1'or di merdia.

Bin na tempo pasobra luga ta limita.

Permanent Make-Up

E solucion pa bo cejanan

- Cejasnan dañá of mal forma
- Esnan cu no tin cejas
- Cejasnan cu colornan cora, biña, berde etc.
- Tambe eyeliner y lipliner

Nos tin e solucion pa bo.

Cada servicio ta den forma personaliza.

Sin dolor y no ta hincha den un ambiente relajante.

Mas di 15 aña di experiencia.

Tambe nos ta drecha cejanan cu:

Waxing, pincet y blade den forma unico,

Cu ta cuadra cu bo cara.

Yama awe mes na 730-3327 / 586-7272 nos ta wardabo cu un sonrisa. Consulta ta gratis.

Na: Dilailah Beauty Clinic

Noord # 82 den Centro Comercial Noord
patras di Botica Noord

SOLO LOCAL.....

Aruba a haci un bon impresion durante "workshop" na Trinidad & Tobago

Lo tene campaña nacional di concientizacion riba traficacion y contrabando di hende



Miembronan di Taskforce contra Traficacion y Contrabando di Hende di Aruba (TMMA) a participa na un tayer organiza pa Organizacion Internacional di Migracion (IOM), na Trinidad & Tobago riba dianan 9 y 10 di April 2014. E "workshop" a trata con pa "Mehora esfuerzonan pa traha na concientizacion di nos hendenan tocante traficacion y contrabando di hende".

Di e "Taskforce contra Traficacion y Contrabando di Hende Aruba" a participa Jeannette Richardson-Baars, coordinador

nacional y Presidente di e Taskforce Aruba, Glenda Gil, miembro di Taskforce Aruba y Presidente di e grupo di trabao di informacion y concientizacion di e Taskforce Aruba, Lori Simmons y Ruthlyn Lindor, miembronan di e Taskforce Aruba y alavez miembronan di grupo di trabao di informacion y concientizacion di e Taskforce Aruba.

Paisnan cu a participa na e workshop tabata Antigua y Barbuda, Aruba, Corsou, Jamaica, St. Vincent & the Grenadines y Trinidad & Tobago. Representante

di e Organizacion Internacional di Migracion na Trinidad, Chissey Mueller, e Embahador di Estados Unidos (UN) na Trinidad y un Representante di e pais anfitrión Trinidad & Tobago, a inaugura e workshop.

Cada pais a trece con a traha y con ta bay traha na duna informacion, educacion y concientiza nan poblacion encuanto traficacion di hende. A haya presentacion di con por usa metodonan popular manera teatro, musica, canto, poema y radio pa concientiza nos

pueblo tocante traficacion di hende y tambe pa haci esaki saliendo di e cultura di cada comunidad.

E Representante di e Organizacion Internacional di Migracion (IOM) a duna un splicacion tocante campananan di concientizacion, kico un campaña asina por logra, con scoge e grupo cu bo kier concientiza, con pa uza e medionan apropiada y adecuado, con pa evalua e impacto y resultadonan di e campaña di informacion.

Na final cada pais presente mester a traha un plan di informacion, present'e y a haya reaccion di otro paisnan. Tambe a keda proponi pa tin un coordinado regional pa por sigui mantene e contactonan entre e paisnan y informa otro di e diferente eventonan cu tin na e diferente paisnan.

Diarazon anochi ta tin un recepcion cu un concierto clasico di e facultad di musiconan di Universidad di Trinidad, cual tabata masha bunita mes. Diahuebs atardi e delegacion di Aruba y di Corsou a cera conoci y introduci nan mes na e Embahador di Hulanda na Trinidad & Tobago, esta Lucita Moeniralam.

E delegacion di Taskforce Aruba a representa Aruba dignamente y profesionalmente y a regresa satisfecho y mas inspira pa sigui cu e trabao di informa, educa y concientiza nos hendenan di e problema mundial aki, esta Traficacion y Contrabando di Hende, cu tambe ta tumando luga na Aruba.

Si bo grupo, bo persona ta desea di haya un presentacion di kico ta traficacion di hende, con por mira cu por ta trata traficacion di hende, unda tin cu mira, kico pa haci ora bo ta sospecha algo, yama libremente na telefon 5848282, na Scol pa Polis, pa haci un cita. Gustosamente Taskforce contra Traficacion y Contrabando di Hende Aruba ta dispuesto pa planea un dia pa por duna e presentacion na bo grupo.

Pa raporta un caso di traficacion, haya informacion of ayudo, por yama e 'hotline' pa cu traficacion di hende na celular 592 3231, unda un profesional di Bureau Slachtofferhulp lo atende bo mesora.



SOLO DEPORTE.....

CLAUSURA DI 15 EDICION COPA CEES BOSSERS


Despues di 4 dia di competencia di Beach Futbol ariba e cancha na Eagle Beach dialuna e weganan semi-final y final atumalugar. Tambetabata tin weganan interesante entre e damanan. Den

semi final Toke ta gana di No Mercy pa pasa pa final. Na half e score tabata 2-0 pa den segundo tempo Toke score un biaha mas pa haci e score final 3-0. No Mercy ta blankea Tic Tac di Korsow 6-0 pa di

tercer puesto. Den final Toke ta gana di Green Boys pa asina bai cu e trofeo di campeon y mas cash. Toke ta bay cu e titulo pa di 5 biaha, mientras cu Green Boys ta subcampeon 2013 y

2014. Organisadornan ta sumamente agradecido na e publico cu tabata presente dunando asina nan apoyo na nan equipo favorito. Sin lubida e comerciantenan cu a coopera pa asina e torneo

por a bira un exito rotundo. Mientras e weganan tabata tumando lugar un Boa tambe a pasa pa disfruta di e weganan.



GENERAL

COSNAN CU TA HACI BO MUSTRA BIEUW

-TRAHA DIMAS DURO

Nos tin di traha duro pa bay dilanti... esey ta berdad, pero trahando un trabao cu bo no ta gusta y cu ta stress bo of cu bo tin di traha demasiado ora, por acelera malezanan di curazon y enbehecimiento di e celnan.



-COME DEMASIADO CUMINDA CU TA CAUSA INFLAMACION

Ora cu sucu y vet den cuminda reacciona cu proteina, por causa daño na e curpa. Cumindanan prosesa tambe ta causa inflamacion y oxidacion cu ta un di e motibonan di malezanan di curazon, weso, cerebro, cuero...etc.

-MESTER TRAIN CU PESO (HENDE HOMBER Y VOORAL HENDE MUHER)

Hende muher ta perde mas o menos 5% di nan musculo cada decada despues di a cumpli 30año di edad. Train cu peso ta e UNICO manera pa evita esaki y mester menciona cu train cu peso ta bon pa weso, energia, forsa y pa evita e cuero di colga!!!

-DRUMI DEMASIADO TIKI ORA

Bo tin pa drumi... drumi no ta un luho... e ta un necesidad pa bo salud! Ora bo drumi poco, e curpa ta produci CORTISOL cu por enbehece nos paden y pafor.

-COME BON VET (vet saludabel)

Hopi hende no ta come suficiente bon vet y hopi hende muher ta come menos bon vet mientras nan edad ta subi. Vetnan di awaakati, pinda, piscanan manera salmou y sardintji, oleifi...ta boost salud di e cerebro, mantene e curazon fuerte, combati Diabetici y por duna bo mas año di bida.

MAL POSTURA

Despues di a haci 40 año, nos ta perde 1cm di altura y cana cu lomba dobla of sinta malo of cu cabez den e celular, ta cosnan cu ta envehece bo y afecta bo físicamente! Sea fuerte, flexible y balanza.

-MAS INTIMIDAD

-Sex ta yuda na felicidad, un sistema imun mas fuerte, mihor circulacion y hasta por duna bo 8 AÑA MAS DI BIDA!!!! Tambe sex ta duna bo mas energia, drecha beis y ta tremendo pa stress!

CUA TA E MIHO MANERANAN PA CAMBIA BO MANERA DI COME ?

Pa años y años e nesidad pa ta of mustra flaco tawata y te ainda

ta ser promove door di esnan cu ta dicta moda. Esaki a trese cu ne un cantidad di dietnan, productonan peligroso y hasta trainingnan den exsesivo. Ta bon mes cu avansenan den mundo científico y medico a musta y siña nos cu niun diet en extremo no ta traha y cu simplemente mester cambia nos sistema y kico nos ta come.



Nutricion & Movecion

Rene Wild

Personal Trainer and Nutritionist

Tel.: 297.594.3327

E-mail: rwderek@hotmail.com

Pa cuminsa ban waak e dos principianan cu tin ora abo kier cambia bo manera di come pa un miho salud. Prome mester considera kico y cuanto bo ta come, un plan di ehercicio y haci cambianan nesario. Den mayoria di caso, sobre peso ta ser causa pa mal nutricion. E cantidad, calidad y variedad di loke nos ta come ta hopi importante. Ban cuminsa come balansa, cantidadnan mas chikito, mas frecuente y evita cumindanan cu hopi vet, sucu y procesa.

Bo mester controla bo manera di come y pa esaki bo mester planea y hasta planea adelanta. Esaki lo yuda bo keda riba e caminda corecto y por ehempel no haya bo ta come riba caya.

Ami ta prepara mi cumindanan y snacknan e anochi prome y hiba nan cumi trabao. Si mester sali pa compras of cualkier otro motibo, mi ta come prome of hiba algo cumi pa si acaso ora bay, mi no haya mi sin nada di come.

Otro punto ta cu cuminda saludabel of un cambio den bo manera di come no mester ta caro. Haciendo cambianan chikito y shop inteligente lo yuda bo hopi cu bo saco!

Ehercicio y estilo di bida tambe ta factornan importante. Bahando gasto riba cosnan manera humamento, bebemento of cosnan cu echt no ta nesario, lo laga bo cu algun cen extra pa por ehempel bo join un gym of train bao di un personal trainer.

Bo programa di ehercicio no tin nodi di ta 4 ora pa dia y tur dia sino bayendo gym tres biaha pa siman of hacienda moveshon pafo algun biaha pa siman combina cu nutricion apropiada, ta suficiente pa trece un cambio den bo metabolismo y figura... sea femenina of masculino.

Pa cambia bo manera di come, bo mester tuma cierto desicionan y ta determina cu bo lo para duru. Claro cu de vez en cuando bo por treat bo mes algo dushi pero tene esaki na minimo si. NO LUBIDA BO TA LOKE BO TA COME!

EHERCICIO

E TRAINING CU MI POR HACI NA CAS!

- BULA CABUYA
- EXERCISE BANDS
- CORE WHEELS
- STABILITY BALLS
- THERA BAND

SOLO Deporte.....

IBiSA y Departamento di Salud ta encarga:

Hobennan ta sigui e proyecto piloto di Fit Teens na Colegio Arubano cu hopi entusiasmo



E proyecto piloto pa alumnonan di Ciclo Basico na Colegio Arubano Oranjestad, esta "Fit Teens" ya caba ta den su di 8 siman. Instituto Biba Saludabel y Activo, IBiSA

y Departamento di Salud su seccion 'Cuido di Salud Hubenil' ta encarga cu e programa cu ta tuma lugar tur diarazon merdia for di 2'or pa 4'or di atardi.

Den e simannan cu a transcuri, Joel Martijn, Lifestyle Coach di IBiSA y Ebrina Curet, nutricionista/dietista na Cuido di Salud Hubenil a traha cu e hobennan cu ta participa na e programa. Un promedio di 14 hoben tey presente na e lesnan y ta sigui presentacion di diferente topico, entre otro: 'Guia pa un Bida Saludabel', 'Energia y Balans', 'Peso Saludabel', 'Les a etiqueta di cuminda'etc. Cu hopi

interes e hobennan ta atende tambe e lesnan 'Con pa cushina saludabel y tur tecnica rond di e preparacionnan'. Pa e lesnan di cushinamento ta haci uso di e cushina di "The Healthy Way".

E parti di movcion tambe ta hopi importante y e hobennan ta haya instruccion tur siman riba temanan di 'Team building', 'Fun y Fitness games'. Nan a haci un 'fitness test' riba e prome dia di les y dia 16 di april ultimo a haci un di dos, mientras cu riba e ultimo dia di les lo haci e mesun 'fitness test' pa mira nan desaroyo y eventual progreso. Cu e test aki, ta midi con nan condicion fisico a mehora.

Cada siman e hobennan ta haya guia riba diferente area, con pasia identifica, monitorear, analizs mes por traha y drecha nan salud, cu e meta pa nan por biba un bida mas saludabel y activo. E instruccionnan cu e hobennan ta haya ta di importancia pa motibo cu esaki ta siña nan con pa logra nan metanan. Banda

di e actividadnan aki, e hobennan ta trahando riba un competencia di poster. Cu hopi interes nan ta preparando un poster cu lo tin cu sirbi pa promove cuminda y cos di bebe saludabel na e cantina di nan school mes.

E reaccion di e hobennan participando na e proyecto piloto di "Fit Teens" ta tremendo y tanto IBiSA como Departamento di Salud ta hopi contento cu e hobennan ta haci nan best pa atende tur les y ta mira cu nan ta participa cu hopi entusiasmo. Cu e proyecto piloto di "Fit Teens", e meta ta pa concientiza hobennan riba nan calidad di bida. Traha, mehora y mantene nan estilo di bida, come saludabel y cumpli cu e normanan di haci movcion minimo 60 minuut tur dia.

E ultimo dia di les pa e hobennan lo ta dia 4 di juni 2014. IBiSA y Departamento di Salud ta gradici Colegio Arubano Oranjestad pa nan aporte grandi na e proyecto piloto di "Fit Teens".



Resultado di number:

Merdia Diarazon 23 April:

Catochi	Big 4
5026	1258
7039	
5048	

Zodiac	Lotto di Dia
	XXXXXXXXXX

Anochi Diarazon 23 April:

Catochi	Big 4
0233	7969
5824	
0453	

Zodiac	Mini Mega
9299 Sagitario	23 – 11 – 24 – 03 – 19 Joker: 30 Letter: E

Lotto di dia	Corsou
05 – 16 – 06 – 13 – 24	5396 9565 8226

Diario	Super 4
2467	1896
3137	
3924	

4 skina DIA
2734
4 Skina Cur
5686

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Turista ta bati alarma pa su yiu cu no a bolbe hotel

E homber R.N. a bay warda di Polis dialuna 08.35 y ta bisa cu su yiu muher A.N. di 18 aña, a bay for di hotel y e no a bolbe bek. E ta bisa cu el'a puntra e guardianan na difirente hotel, pero ningun no a mir'e. El'a bisa cu el'a haya sa cu supuestamente su yiu muher ta kedando cerca un tal Jordan na Riu Palace. Polisnan a bis'e cu nan lo manda Patruya na Riu pa controla esey. Un rato despues R.N. a yama y a bisa cu el'a haya e yiu na Riu y e manager lo yuda nan pa atende e caso.

Ladronnan ta bay cu cartera for di auto habri

E homber G, dialuna 09.45, a bay warda di Polis pa duna keho cu su cartera a wordo horta for di su auto. E ta bisa cu den su cartera e tabata tin su cedula y rijbewijs Arubiano, kaarchi di AZV, ATM di Aruba bank, y 100 dollar Americano. Segun su declaracion, mas o menos 12.30, e tabata na e Boco Bar y Restaurant na Bubali. El'a laga su Daihatsu Terrios A-44855, riba e parkinglot, pero a bisa cu el'a laga e auto habri y su cartera den e auto. Ora cu el'a bolbe, e cartera no tabata ey mas.

Turista ta bisa cu el'a haya dollar falso for di perfumeria

Presencia di Polis a wordo pidi dialuna 12.19, na La Cabana na unda un turista tabata tin dollar falso. Eynan e homber J.L.S.S. ta bisa cu diadomingo, el'a cumpra un perfume na un negoshi den Paseo Herencia y a paga cu 100 dollar y nan a debolbe 50 Dollar. El'a bisa cu ta solamente 100 dollar e tabata tin den su cartera. Un rato despues el'a bay Cristal Casino y a usa e 50 dollar y eynan nan a bis'e cu e placa ta falso. E ta bisa cu nan a corta e biyete y a pone un stempel "counterfeit" riba dje. El'a bay bek na e perfumeria, pero e tabata sera caba. Polis a bisa J.L.S.S. cu e 50 dollar y e recibo ta keda confisca pa investigacion.



BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupial	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147
Agencia Funeral:	
The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muherr	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Dokter y Botica na Warda pa bao di Brug:

Yama pa informacion na
Horacio Oduber Hospital:
527-4000

Dokter y Botica na Warda pa riba di Brug:

**Publica bo clasificado,
awor cu prijs pa siman:
Afl. 35.00 pa 1 siman /
Afl. 140.00 pa luna. Pasa
na nos oficina na Sta.
Cruz 110 of e-mail nos na
solodipueblo@gmail.com**

Permanent Make-Up

E solucion pa bo cejanan

- Cejasnan dañá of mal forma
- Esnan cu no tin cejas
- Cejasnan cu colornan cora, biña, berde etc.
- Tambe eyeliner y lip liner

*Nos tin e solucion pa bo.
Cada servicio ta den forma personaliza .
Sin dolor y no ta hincha den un ambiente relajante.
Mas di 15 año di experiencia .*

*Tambe nos ta drecha cejanan cu :
Waxing, pincet y blade den forma unico,
Cu ta cuadra cu bo cara.
Yama awe mes na 730-3327 / 586-7272 nos ta wardabo
cu un sonrisa. Consulta ta gratis.
Na: Dilailah Beauty Clinic
Noord # 82 den Centro Comercial Noord
patras di Botica Noord*

Ta bende
Chevrolet Spark
2006 automatic
Kibra – Pa pieza
Yama: 566-9653


Auto Rijschool Bennett (ARB)
entrante April 1, 2014 ta cuminsa
duna Les di teoria na **SANTA CRUZ.**
Luga: Copy Me & Much More®
(pabao di Rowigini/Don Pincho)
Orario: 11 a.m. - 12 p.m.
dialuna - diabierna
Pa mas informacion jama:
566 - 5700

TA BENDE
HYUNDAI SANTA
FE 2002 V-6 AUTOM
TRANSM. PRIJS
ATRATIVO. YAMA
7311584

Ta huur
apartment muebla .
awa y cable inclui.
maximo 2 persona.
pa mas informacion
yama 563-2222.
y tambe tin un snack
truck na huur of
cumpra .

CUMINDA

Tur dia tin specials di dia
na Topacio Restaurant,
situa banda di Botica
Noord.

Pa bestel bo plato yama
nos na 587-0430

CUMINDA

Cilantro Grill situa dilanti
Colegio San Hose na
Sta. Cruz, tur dia tin
specialnan di dia. Yama
haci bo pedido:

594-0635

Barber

Sta Cruz Barber Shop
a habri su porta. Habri
tur dia te cu 9'or anochi.
Situa dilanti Colegio San
Hose, (banda di Blush).
Pasa cerca nos y nos lo
drecha bo look y ponebo
master master!

TA BENDE

Un fax machine
marca: **SHARP** den bon
condicion. Plain paper

Prijs: fls. 125, -

Yama: 593 - 8182

CUMINDA

Cushina di Dochi Lee

NOS SNACKS

tur dia tin special di
dia. bestel bo cuminda
tempran na 585-2585

TA HUUR

Ta huur Trappers Club pa
cualquier ocasion. Airco,
espacioso. Pa fiesta
di ricibimento, reserva
tempran. Tambe pa
encuentronan religioso.

748-8280

TA BENDE

Un airco Window Unit 18mil
BTU NOBO pa solamente 450
florin OBO Un stoof 4 burners
ideal pa apt color grey Pa 450
florin OBO Un set di comedor
4 stoel di hero duro + mesa di
glas cuadra elegante Pa 350
florin OBO Pa mas info Tel:
5620119

TA BUSCA

Fundacion biba feliz ta
busca un sirvienta interna
cu experiencia pa cuida un
persona di edad. interesado
nan por jama na tel 5856741
entre 1:00 y 4:00 pm. o ta
acepta persona nan cu no tin
permiso pa traha .

Ta Bende

Harinja di **MAISHI RABO**
100% natural na
Nature's Discount
Seroe Blanco dilanti APFA
y Pos Chikito banda di
Laboratorio Familiar.
Tel: 5840336

CUMINDA

Sta Cruz Bar y
Restaurant. Pa
pidi cuminda
yama: 585-8088

TA BENDE

PORCO DI DOS
LUNA BIEU
AFL 60,- PA UN
TEL 5941317 /
5859870

Chica Pos

Marios Septic Tank
Servicio Rapido pa chica
pos.
Pa servicio yama:
5603500

TA HUUR

Ta huur espacio comercial na Centro
Comercial Noord. Perfecto pa cualquier
sorto di oficina. Adres: Noord 82.
Pa informacion yama
730-7000

Indian Rock Garden

E lugar ideal pa bo celebracion di bruid,
cumpleaños, aniversario, prome santa comunión, bautismo
y otro celebracionnan, pero tambe pa seminario, workshops,
charla y presentacionnan.

Pa informacion di prijs y reservacion jama 5926460,
of manda bo mensahe via Facebook/indianrockgarden
of email info@indianrockgarden.com



Pa Weganan di Rey riba diabierna:

Gobernador Refunjol lo tey pa e apertura na Parke Jaburibari



IBiSA ta organiza e Weganan di Rey 2014 na 3 localidad, cu ta IBiSA Sport Centrum San Nicolas, Plaza Turismo na Linear Park y Parke Curazon na Jaburibari. E actividad oficialmente ta cuminsa pa 8'or di mainta diabierna awor dia 25 di April, simultaneamente na tur tres localidad.

Su Excelencia Gobernador di Aruba sr. Fredis Refunjol a scoge pa bishita Parke Curason na Jaburibari pa haci e apertura, comparti mensahe y pasa un rato agradabel cu e muchanan en conexion cu celebracion di cumpleaños di Su Excelencia Rey

Willem Alexander. Pa e motibo aki, IBiSA ta haci un invitacion special na tur mayor pa trece e muchanan for di 7:45 a.m. caba pa e actividad por cuminsa exactamente pa 8'or di mainta. Gobernador Refunjol lo haci e apertura y despues continua pa otro compromisonan riba su agenda.

Comunidad tambe ta keda cordialmente invita pa ta presente na e ocasion aki diabierna mainta na Parke Curason Jaburibari.

Na IBiSA Sport Centrum San Nicolas y na Plaza Turismo Linear Park, tambeta cuminsa for di 8'or

di mainta cu e apertura, sigui pa e desayuno y despues e actividadnan. E celebracion di Weganan di Rey mes ta finaliza pa 12'or di merdia. Y aki ta pidi tur mayor pa busca nan yiunan na tempo na

final di e actividad na e localidad unda cu e mucha a participa.

Muchanan di 6 pa 12 aña ta bonbini pa participa na e Weganan di Rey 2014. Participacion ta

completamente GRATIS y ainda por inscribi na IBiSA Frankrijkstraat 1 of na IBiSA Sport Centrum na San Nicolas. Por inscribi tambe via ibisa.socialmedia@gmail.com.



MDJ Aruba
ta presenta:
Asamblea



‘Amor di DIOS ta Sana’
Predicador: Niel Velez
for di New York

Dia ; 25 April 2014

Lugar : Centro di Barrio

Lago Height San Nicolas

Dia ; 26 April 2014

Lugar : Club Caiquetio

Paradera

Ora: 6:30 pm—10:00 pm
Ticket: Fls. 10, = pa anochi

Trece tur enfermonan cu DIOS su Promesa ta
bisa:
‘ E tin Poder Pa Kura’

Ticket obtenibel na porta of serca tur miembro di
MDJ Aruba. Tambe por jama 7302055

Tito 1 ; 13

Loke el a bisa ta berdat! P'esey refuta nan fuertemente
pa sana loke nan ta kere.

Departamento di Agricultura, Cria y Pesca cu grandioso celebracion diadomingo 27 di April

Nos Mama Tera ta pasando den cambionan drastico cual cambionan por trece consecucionan devastador pa humanidad.

E crecimiento masivo den poblacionnan rond di mundo ta haci cu e demanda na cas y propiedadnan ta sigui crece, cual na su turno ta percura pa e eliminacion drastico di habitadnan natural.

Hunto cu e demanda creciente pa tereno e crecimiento masivo

den poblacionnan ta trece cu ne un demanda grandi pa cu entre otro electricidad, awa, cuminda y transporte. Tur esaki cu efectonan negativo pa cu e salud di nos Mama Tera.

Mirando e cambionan grandi cu mundo ta pasando aden ta sumamente importante pa tur su habitantenan concientisa nan mes riba e efecto cu nan pasonan tin pa cu e unico planeta cu nos tin pa biba riba dje.

Pa e motibo aki

medionan internacional a lansa un campaña di concientizacion cual e aña aki ta hiba e tema "Green City" unda cu ta enfocariba e importancia pa combina naturaleza den e areanan creciente di infraestructura rond di mundo por medio di ideanan inovativo y tecnologia avanza.

Na Aruba e idea di "Green City" tambe por wordo adopta y adapta pa nos isla.

Algun idea con pa aporta na e bienestar di nos Mama Tera ta por



ehempel;

- Usa awa recicla pa muha mata, laba paña, auto y cas. Awa recyle por wordo colecta por ehempel for di e awa cu ta sali condensa for di e airco, reusa awa di laba paña pa laba floor y auto y colecta awa na momento di yobida.

- Paga luz y articulonan electronico na momento cu nan no ta wordo usa. Ora di sali for di kamber of cas paga television, luz, airco, computer etc pa asina no mal usa coriente innecesariamente.

- Sustene productionan local y planta propio fruta y berduranan na cas. Esaki lo duna bo cuminda fresco liber di pesticida cual por ta peligroso pa e salud di e ser humano y como protehe e medio ambiente for

di produccionnan den cantidad grandi cu ta pasa den exterior.

- Baha e cantidad di biaha cu ta haci uso di auto pa transporte. Un manera cu tur hende por aporta na nos medio ambiente ta dor di "car pulling" unda cu personanan bayendo mes un direccion por bay hunto den un solo auto.

Na Aruba Departamento di Agricultura, Cria y Pesca lo ta celebrando Dia di Tera riba diadomingo 27 di april den un forma grandioso unda cu hunto cu e popular Mercado di Santa Rosa lo habri e portanan pa pueblo cu un espectacular Opendag.

"BAN SOSTENE NOS CULTURA, PRACTICA CRIA, PESCA Y AGRICULTURA"

Back To Trappers

60-70-80's

The Trams.

Reflection Band.

Banda Recordar es Vivir.

Tambe ta bai tin DJ.

Diasabra 3 di mei 2014

Lugar: Club Trappers Sta Cruz

Horario: 8or pm.

Entrada: 25 florin

Ticket obtenibel na TOP FM

Pa Reservacion di mesa:
jama 746-7644


Lo tin Security pa cuida bo auto

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Obituario Solo di Pueblo.....

Bucuti declara como mihor hotel na Aruba riba Zoover.nl



Cu un score di 9,1 di 10, usadornan di e website Hulandes Zoover.nl a declara Bucuti & Tara Beach Resorts como e mihor hotel na Aruba. Zoover ta un website masha popular na Hulanda a la TripAdvisor, na unda usadornan por review y duna puntuacion pa e hotelnan cu nan ta bishita. Nan por evalua un hotel a base di criterionan manera location, service, balor di loke ta haya pa e suma cu ta paga, cuminda y e calidad di e kambenan. Riba casi tur e criterionan aki, Bucuti a score un 8,3 o mas ariba, cu un score apreciativo di 9,1 cual ta mas halto cu esun di e otro cuatro hotelnan na Aruba cu a participa. Den nan reviewnan, usadornan di Zoover ta gaba e servicio amabel, e cuminda y naturalmente Eagle Beach, unda e hotel ta situa. Esaki ta di tres aña cu Bucuti & Tara Beach Resorts ta gana e premio aki. Den añanan cu a pasa, Aruba su unico boutique hotel cu ta ricibi adultonan exclusivamente a keda haya reconocimento for di su bishitantenan constantemente. E lista di award ta largo y ta testimonio di e dedicacion di Bucuti su staff y su management. E hotel cu

ainda ta wordo maneha dor di su propio doño, sr. Ewald Biemans, a subi e prestigioso Gold List di Condé Nast Traveler's aña pasa y a wordo selecciona pa e mesun lesadornan di publicacion aki como un di e Top Resorts den Caribe. Otro reconocimentonan ta por ehempel e puesto fiho cu Eagle Beach ta haya ariba TripAdvisor su lista di mihor beachnan na mundo y un cantidad di premionan pa Bucuti su famosomaneho sostenibel y green, incluyendo e Highest Achievement Award di Green Globe Certification pa e top performing sustainable travel & tourism business den Caribe. Bucuti & Tara Beach Resorts ta e hotel ideal pa un proposal romantico, un honeymoon inolvidabel, un celebracion di aniversario hunto of simplemente un escape romantico den Caribe pa parehanan di tur tipo for di mundo henter. Bucuti ta ofrece nan un estadia cu bistanan magnifico riba nos playa di santo blanco, nos bahadanan di solo espectacular y Aruba su dushi clima pa asina nan por celebra nan amor, relaha y disfruta di tur loke Aruba tin di ofrece. Pa mas informacion, bishita www.bucuti.com.

*"Señor ta mi wardador, mi'n tin falta di nada
Den cunucu di yerba berde e ta pone mi sosega.
E ta hibami na awa trankil,
Pa mi holbe haya forza".
Salmo: 23*

Cu honda pena, pero conforme cu boluntad di Dios ta anuncia fayecimento di:



**Sra. vda.
Polonia
Krosendijk-
Krozendijk
mihor conoci como
"Mama Jong"**

***09-02-1925 †23-04-2014**

Acto di entierro lo wordo anuncia despues



"To live in the hearts of those we love is never to die"

Cu inmenso tristeza na nos curazon, pero agradecido pa tur loqual el'a significa pa nos y conforme cu boluntad di Dios, nos ta partisipa fayecimento di nos querido tata, welo, bisawelo, ruman y tio stimá:



**Gregorio de Cuba
"Goy"**

Na nomber di su:

Yiunan: Suzette y Mirto Kock - de Cuba
Melissa y Randy Maurera - de Cuba
Melinda y Jeroen van Schuppen - de Cuba
Steve van Delden y familia
Humberto de Castro y familia

Nietonan y Nieta: Jeanjarre, Jeandric, Zabrina, Nick, Kevin, Niels, Steve, Alexander, Jordano y Humberto

Bisanieto: Jeanphillippe

Rumannan: Sra. Viuda Carmen Croes – de Cuba y familia
Mena y Mario Croes y familia
Eddy y Fatima de Cuba – Cardoso Ribiero y familia
Edna de Cuba y familia
Rudy de Cuba y familia
Maiky de Cuba
Dennis y Roosje de Cuba – Herding y familia
Shirley de Cuba y familia

Swa y Cuña: Sr. Viudo Fefe Arends y familia
Sra. Viuda Maria de Cuba – Solognier y familia

Sobrino y sobrinanan stimá manera nieto: Ramsey, Nancy, Denise y Janine

Ex-casa: Sophia van Delden

Comer stimá: Sixta Diaz (sto Domingo)

Sobrino y Sobrinanan, primo y primanan, comer y compernan, ihanan, amigonan, bisñanan y conocirnan tanto na Aruba, Corsow, Merca y Hulanda.

Demas famianan: de Cuba, Kock, Maurera, van Schuppen, van Delden, de Castro, Martina, Croes, Solognier, Koolman, Arends, Cardoso Ribiero, Guerrero, Herding, van der Linde

Acto di entierro ta tuma lugar diahuebs 24 di April 2014 pa 4:00 pm saliendo for di Misa Sagrado Curason di Jesus pa Santana Catolico na Savaneta.

E resto mortal lo ta reposa for di 2'or di atardi den Misa Sagrado Curason di Jesus Savaneta.

Si en caso den nos tristeza nos por a lubida algun persona of familia, nos ta pidi nos mas sincero disculpa.

Obituario Solo di Pueblo.....

Gradicimento / Invitacion

Pa medio di esaki famia Vingal y demas famia ta gradici tur esnan cu di un manera of otro a muestra nan atencion durante fayecimento y entierro di nan defunto stima:

**Tesencio Reinaldo
Luis Vingal
"Luisito"**



Gradicimento special ta bay na Dr. y Verpleegersnan di H.O.H, Wit Gele Kruis, na tur cu a yama, manda flor, krans y telegram masha danki pa e palabranan di Consuelo. Danki special na tur famia amigo, bisña y conocirnan. Boso muestra di atencion tabata un gran consuelo pa nos.

Alavez nos ta invita pa 2 santa sacrificio di misa

Diahuebs 24 di April pa 7'or di anochi na Catedral San Francisco di Asis

Diabierna 25 di April pa 7'or di anochi na Cathedral San Francisco di Asis

Boso presencia lo ta altamente aprecia

*Señor ta mi Wardador, mi n'tin falta di nada;
Den cumcu di yerba berde E ta pone mi sosega.
E ta hiba mi na awa trankil, pa mi bolbe haya forza.
Salmo 23,1*

A fayece cristianamente:



Maria Isabel Maduro

Mihor conoci como: "Tanchi Ija"
Na edad di 71 aña
27 Mei 1942 – 17 April 2014

Ta invita pa asisti na e acto di entierro cual lo wordo anuncia despues.

GRADICIMENTO Y INVITACION

Na nomber di su casa, yiunan, rumannan, nietonan, bisanietonan y demas famia nos ta gradici for di profundo di nos curazon, tur atencion y sosten ricibi durante su enfermedad fayecimento y entierro di nos defunto stima:

**Panchito Geerman
Ex trahador di Lago
25 Juli 1930 – 14 April 2014**



Un danki special ta bay na tur esnan cu a yuda nos specialmente famia Alders y Irving Nicolaas. Na Ad Patres pa nan servicio y atencion. Nos ta gradici un y tur cu a demostra nan cariño y a duna nan atencion durante e dianan dificil aki. Boso atencion y cariño tabata un gran consuelo pa nos famia.

Danki di curazon.

Alavez nos ta invita tur famia, bisña, amigo y conocirnan pa compaña nos na 3

Santo Sacrificio di misa cual ta tuma lugar:

Diahuebs 24 di April pa 7:00'or pm na Misa Sta. Theresita na San Nicolas

Diabierna 25 di April pa 7:00'or pm na Misa Sta. Theresita na San Nicolas

Despues di e ultimo misa lo tin un Rosario na cas Isaac Wagemakerstraat 84

Boso presencia lo ta altamente aprecia

Papa sosega na paz

*Yiunan, nietanan, bisnietonan, rumannan,
kier a gradici amigo, conocirnan, staff medico di EHBO, IC
di Dr. H. Oduber Hospital, team di Olive Tree Funeral Home
cu a acompaña nos durante enfermedad, fayecimento y
entierro di "Nos Mami y Eya Stima":*


Olga C. Anjie

Y alavez ta invita na tres Sacrificio di Misa
na Misa San Francisco na Playa

Diadomingo 20 di april 2014, 7.00 pm

Diaranzon 23 di april 2014, 7.00 pm

Diasabra 26 di april 2014, 7.00 pm



* 23-08-1938

+ 12-04-2014

Despues di misa di 26 di april lo tin un
Rosario na Belgiestraat 14, Eagle



Biba cada momento

Av. E.J. "Watty" Vos - Cumana, Aruba
Tel: (297) 582 0000 - Fax: (297) 582 2222

Bernhardstraat 134 - 136 - San Nicolas, Aruba
Tel: (297) 584 8888 - Fax: (297) 584 0300

ATLETANAN LOCAL DI MONSTER ENERGY TA REPRESENTA ARUBA DEN MONSTER ENERGY BMX FREESTYLE COMPETITION

NAN TA VIAHA AWE PA TRINIDAD & TOBAGO



Atletanan local di Monster Energy, Daniyel Tromp y Darrell Werleman lo representa Aruba den e Monster Energy BMX Freestyle Exams na Trinidad & Tobago dia 25, 26 & 27 di April. E dos hobennan aki a wordo invita pa ta parti di e evento aki door di representantenan di Monster Energy na Trinidad & Tobago y cu orguyo nan lo representa Aruba banda di otro 95 coreador di BMX di 23 diferente pais.

E evento aki ta parti di un e evento cu a cuminsa na 2010, organiza pa TREVILON HALL, e promer BMX Freestyle

Pro Rider di Trinidad & Tobago kende a team up cu Monster Energy y a crea e Monster Energy BMX Freestyle Exams. E aña aki e competencia lo conta cu presencia di Atletanan profesional, e mihornan rond mundo den e categoria di BMX y lo reparti \$86.000,- den premio.

Daniyel Tromp ta un hoben di 26 aña di edad y cu mas di 10 aña den e mundo di Freestyle BMX. Sempres e tabata tin e deseo di por a competi na nivel mundial den amateur y progesa pa e por competi un dia na nivel di pro rond mundo. Aña pasa Daniyel a participa caba na e

evento aki y a logra keda na di cuatro lugar, pero despues di e competencia el'a bin bek Aruba cu un motivacion grandi pa siña maniobranan mas dificil manera e backflip, flair y tailwhip air y mehora su condicion fisico pa e por representa su isla mihor den 2014.

Darrell Werleman di 18 aña di edad tin mas cu 7 aña den mundo aki y a yega di competi tambe tanto local como internacionalmente. Den e Monster Energy BMX Freestyle Exams aña pasa el'a keda na di 2 lugar.

Expectativanan ta grandi, mirando e pasion

y dedicacion di e dos deportistanan aki cu ta train hopi duro, mas cu 4 of 5 ora pa dia 5 biaha pa siman, dedicando nan tempo y dunando

hopi di nan mes pa nan por logra nan soñonan. Monster Energy ta desea e deportistanan aki hopi exito na Trinidad & Tobago.

